

**Polis a reparti
un total di 110
boet durante
control den
Oranjestad**

Dialuna awor Ombudsman cu dos sesion special pa studiantenan na Hulanda



ORANJESTAD (AAN): Relaciona cu apertura di bureau Ombudsman cu ta tuma lugar 1 December 2025, Ombudsman ta ofrece dos sesion pa nos studiantenan Arubiano na Hulanda.

Dialuna 27 di October lo tuma lugar na Arubahuis, Den Haag un encuentro entre Ombudsman, sra. Jurima Bryson y studiantenan di Aruba cu ta residencia na Hulanda.

E meta di e encuentro ta pa Ombudsman por presenta e instituto nobo aki y splica con Ombudsman por yuda e studiantenan. Segun ley, tur hende por entrega un keho cerca Ombudsman y no ta un requisito cu e hende mester ta biba na Aruba.

Ademas, Ombudsman ta bay splica su rol den comunidad y tin espacio pa studiantenan haci pregunta. Asina nos studiantenan na Hulanda por cera conoci cu e prome Ombudsman di Aruba.

Ombudsman kier invita studiantenan na Hulanda pa atende e encuentro. Entrada lo ta gratis. Tur dos sesion ta riba Dialuna 27 October 2025. E ta na edificio di Arubahuis, Den Haag. E adres ta: Oude Middenweg 31-53, 2491 AC.

Sesion I lo bay ta pa 5:20 pm te 6:20 pm. Porta ta habri entre 5:00 pm y 5:15 pm.

Sesion II lo bay ta di 6:50 pm te cu 7:50 pm. Porta ta habri entre 6:30 pm y 6:45 pm.

Studiantenan por registra pa un di e dos sesionnan. Corda registra mesora, debi cu espacio ta limita. Haci esaki na e website aki:

www.bit.ly/omb2025

Bureau Ombudsman kier a informa cu nan lo mantene pueblo na altura di e ultimo desaroyonan y encuanto e apertura oficial di oficina.

Cifranan di September 2025 na Aruba

Riba di 1.200 pashent a keda sin acudi na nan cita cerca Especialista

FIFA y CONCACAF cu sosten importante pa profesionalisacion di futbol na Aruba

ORANJESTAD (AAN): Diaranson merdia a tuma luga un bishita hopi importante entre Prome Minister mr. Mike Eman hunto cu Minister di Deporte mr. Gerlien Croes y un delegacion di FIFA den Sala di Consejo di Minister na Cocolishi.

Durante nan estadia na Aruba, a probecha tene diferente encuentro entre e presidente di CONCACAF cu dirigentenan di clubnan di nos isla. Minister di Deporte Gerlien Croes ta trahando hopi duro pa mehora deporte en general na Aruba y ta drechando e canchonan di deporte ta den un necesidad grandi di mantencion.

E sosten di organisacion-



nan asina aki, como tambe e ayudo na profesionalisacion di nos futbol y motivacion pa asina e organisacionnan por sinti cu nan facilidadnan ta haya e atencion, ta un parti esencial den e encuentronan aki.

E cooperacion entre CON-

CACAF y FIFA cu ta pone fondonan disponibel pa yuda den e proceso aki, tanto di formacion di esnan cu ta maneha integralmente e deporte di futbol pa Aruba, pero tambe e facilidadnan. Esaki sigur ta un sosten importante pa deporte di nos pais.



Parlamentario Eduard
Pieters di PPA:

**'Mester trata
nos maestro
pensionado
cu dignidad y
igualdad'**



Presidente di CUA, Frans Ponson ta insisti:

No ta comercio ta pone prijs pero nan ta busca solucion

• *Nan si tin pueblo na pecho*

• *Pero corda cu prijs na Aruba ta wordo stipula internacionalmente*

ORANJESTAD (AAN): Un ponencia cu tin e Comerciantenan Uni Aruba (CUA) hopi cansa y cu nan ta considera preocupante, ta ora cu gobierno, ministernan, ta menciona cu comercio ta hisa e prijs di productionan pa e consumidor. Esaki ta palabranan expresa pa Frans Ponson, Presidente di CUA, den un entrevista cu Matutino DIARIO.

“Ministernan, boso ta politico, si como politico MEP kier insulta AVP y AVP kier insulta MEP, pa e comerciantenan ta ‘djis fine’ pasobra nos no ta mete den politica; esey ta politikeria, bisa ken a hacie bon ken a hacie malo, tur esey ta okay p’afo di nos. Pero ora boso ta touch cu comercio, cu comercio ta abusa di prijs, e ora ey boso ta bay haya tur e comerciantenan ta cuminsa share mensahe cu atrobe gobierno ta mete cu nos”, Ponson a relata.

Ponson a bisa cu CUA kier sigura cu, di un manera of otro, gobierno stop di mete cu comercio. “Ora prijs di webo a bay 15 Dollar, prijs internacional, aki 30 florin tur hende a grita. Comercio a busca solucion, nos a sali bay busca webo afo, nos a trece webo bek na 5 florin pa pueblo. E ora ey si nos no a wak ni un mensahe di ningun hende” Ponson a declara.

Ponson a señala cu awe e prijs di webo di Merca ta bek na 5 florin, y e ta hasta mas barata awo.



“Kico esey kiermen? Cu comercio ta busca solucion pa pueblo, pasobra nos si tin pueblo na pecho. Pero nos tin cu corda cu prijs na Aruba ta wordo stipula internacionalmente. Bo no ta haya ni un producto den un supermercado, ni un fruta, cu ta bay keda henter e aña na un prijs, ni un! Pasobra ora haya hopi yobida tin scarcedad



y prijs ta bay subi, despues nan ta bay tin di mas den stock y prijs ta bay cay. Pero ora e prijs di e producto ey baha, ni un comerciante aki na Aruba por bay tin’e na prijs halto pasobra e ta morto.”

“Pasobra pa un comerciante sali saca un articulo den media bisa cu e tin’e na 2 florin, tur otro tin’e na 8. E cos ey ta tempo di pasado, anto pa tur hende cu kier bisa cu no ta berdad, cu tin abuso di prijs, menshen boso tur tin un telefon na boso man. Boso tur por controla si e galiña ta mucho caro, trec’e bo mes, lanta bo negoshi, p’esey Aruba tin un mercado free market pa tur hende por lanta loke nan kier. Pero mi ta kere cu pueblo mes compronde esaki miho cu e politiconan, y e politiconan ta hunga politica pa haya voto”, Presidente di CUA, Frans Ponson a remarca.

Impacto entre motorcycle y auto a laga motociclista levemente herida



despues di haci su nota, y asina tanto e auto como e motorcycle por a wordo hala fo’i caminda.

E accidente a sosode

momento cu e Yaris a bay bira na su man robes y pa un otro motibo e brommer a bay dal contra dje.

ORANJESTAD (AAN): Diaranson den oranan di atardi, prome cu bahada di solo y cu cielo tabata basta scur caba debi na acumulacion grandi di nubia parti west di Aruba conecta cu Tormenta Melissa, a sosode un accidente riba e caminda di Tanki Leendert pa Oranjestad, ntre un Toyota Yaris color blauw scur cu number A-45367 y un motorcycle BMW.

E motorcycle a bay dal cu fuerte impacto contra e porta patras banda robbez di e auto, doblando esaki completo. Debi na e golpi, e motociclista a resulta levemente herida, unda cu na prome instante tabata desea asistencia medico. Pero algun rato despues el a nenga asistencia medico.

Roadservice di Aseguro a presenta y

AINDA BO NO TIN CITA PA BO NUMBERPLAAR?

Laganos Judabo - PROCEDURA

Manda bo documentonan riba nos Whatsapp

Recibo pago impuesto 2025, Seguro valido.

Ora nos haya documentonan nos ta manda nos number di cuenta pa por hasi pago di nos servicio. Esaki ta facilita ora di busca of delivery. No tin di atende mas cu pago.

AWO TIN LUGA PA DIA 31 OCTOBER

Ultimo dia pa manda documentonan: Diaranson.
Prijs: Afl.20,- pa busca plachi na nos lugha na Paradera.
DELIVERY tin costo adicional.

Danki pa boso confiansa.

Whatsapp: 699-4041 of yama 565-1404

Cifranan di September 2025 na Aruba...

Riba di 1.200 pashent a keda sin acudi na nan cita cerca Specialista


ORANJESTAD (AAN): Dr. Horacio Oduber Hospital (HOH) ta comparti cu comunidad di Aruba cifranan di September creando asina confianza, transparencia y conscientisacion. E cifranan aki di HOH Aruba pa loke ta luna di September 2025 ta un indicacion di cuanto pashent Hospital ta atende mensualmente, e promedio di estadia di pashent na HOH, cuanto operacion ta tuma luga, cuanto test diagnostico departamento di radiologia ta haci y mas.

Tambe nos ta cuminsa comparti e cifranan cu comunidad cu e meta pa conscientisa comunidad cuanto pashent no ta yega nan consulta cerca especialista emplea pa HOH y tambe cuanto pashent no ta yega nan cita na departamento di radiologia.

Na luna di September a hospitalisa 851 pashent di cual 54.4% tabata admision di emergencia. E promedio di duracion admiti na HOH na luna di September tabata 3.6 dia. Ocupacion di cama na luna di September tabata 74% cu ta mas abou cu luna di September 2024 (87.8%). Un total di 643 cirugia a tuma luga den nos salanan di operacion cu ta mas halto cu September 2024 (579 operacion).

Departamento di Emergencia a atende na luna di September 2.693 pashent y a nace na luna September 33 baby mucha homber y 35 baby mucha muhe (total 68 baby). Y Bloedbank Aruba a conta un total di 170 donacion di sanger na September.

Specialistanan den servicio di Hospital a haci un total di 7.512 consulta cu pashent y interesante pa menciona ta cu 1.239 pashent (14%) no a yega nan consulta na September. Pa esaki por tin diferente motibo manera e pashent a lubida di atende su cita, porta e no por a yega pa via di transport, porta e pashent tabata admiti den hospital of porta e pashent



no a cancela su cita of otro motibo. Departamento di radiologia a haci un total di 5.514 test manera CT scan, MRI, echo etc. y tambe lamentablemente un total di 91 pashent no a yega nan cita pa haci nan test. Pa loke ta order di laboratorio tabatin un total di 16.012 peticion cu a dreña. Y na luna di September 872 pashent a sali for di Hospital pa regresa nan cas.

Diariamente mas di 1.200 empleado di HOH ta haci nan esfuerzo pa brinda cuido continuo na nos pashentan cu ta nos prioridad y ta recorda comunidad cu den cualkier momento no lubida cu HOH semper t'ey.

Parlamentario Eduard Pieters di PPA:

'Mester trata nos maestro pensionado cu dignidad y igualdad'

ORANJESTAD (AAN): Un grupo di maestro pensionado a acerca e fraccion di PPA pa haya oido, ayudo y husticia den un situacion cu nan ta considera in husto y discriminatorio. Segun nan, e trato desigual cu nan ta ricibi compara cu nan coleganan cu ainda no ta pensionado, ta un falta di respet pa nan dedicacion y servicio di hopi aña den educacion Arubano y cu ainda nan ta trahando, door di scarcedad y necesidad di maestro den enseñansa.

"Nos ta para firme tras di e maestronan. Nan a traha cu amor y entrega pa nos yiunan di tera y e manera cu nan ta trata awe, no ta uno digno di e sacrificio cu nan a haci," parlamentario Eduard Pieters a declara.

Desigualdad den pago di ATV: E keho principal ta loke ta e pago di 3½ dia di ATV (Arbeids Tijd Verkorting) cu e Gabinete Wever Croes II a kita di e e maestronan pensionado. Segun e grupo aki, e maestronan cu ainda ta den servicio ta sigui haya e pago di ATV, mientras cu nan como pensionado, cu ta trahando

ando awor via un directiva di scol, no ta ricibi esaki.

"No por tin dos midi pa e mesun trabou," Pieters a splica. "Si e mesun dunador di trabou, cu ta haya subsidio di gobierno, ta bisa cu nan ta apto y profesional pa traha, anto no tin motibo pa trata nan diferente, simplemente pasobra nan ta pensionado."

Loke ta e ATV: Pieters a recorda cu e dianan di ATV a wordo introduci hopi aña pasa, den un periodo ora cu gobierno no tabata por duna indexering salarial. A cambio e empleadonan publico a ricibi dianan liber compensatorio pa compensa e perdida di poder di compra.

"E ATV tabata crea pa protega e empleado y mantene un cierto balans social. Pues con ta posibel e ora, cu un parti di e sector di educacion ta exclui di e beneficio aki? Ta un falta di equidad cu nos no por sigui permiti pa sosode," Pieters a bisa.

PPA ta exige trato igual pa tur trahador: E fraccion di PPA ta tuma e situacion aki hopi na serio y ta prepara pa haci e preguntanan necesario



den na e minister en cuestion, pa asina trece claridad y coreccion den e maneho actual. "Nos Constitucion ta basa riba igualdad," Pieters a enfatisa. "Esaki kiermen cu ningun ciudadano no por wordo trata diferente si nan ta traha, aporta y cumpli cu e mesun responsabilidad. E maestronan pensionado cu ta traha via un schoolbestuur mester wordo trata cu dignidad y respet."

Pieters a agrega cu PPA lo sigui defende nan derecho y no lo permiti pa ningun grupo, cu a dedica su bida na enseñansa, ta ignora.

"Nos pueblo ta forma pa e educacion cu e maestronan aki ta y a duna. E ora ta yega

na nos como pais, pa muestra gratitud cu accion, no cu palabraz. PPA ta compromete pa trek e accion aki recht y pa rectifica e desigualdad aki."

Suplica pa respet y husticia: Finalmente e fraccion di PPA ta pidi atencion urgente di e ministerio y di e instancian relevante pa mira e casonan individual y restaura e pago di ATV pa tur maestro pensionado, cu ta traha activamente. "Esaki no ta djis un cuestion di pago, ta un cuestion di respet," Pieters a conclui. "Cada maestro cu ta sigui traha despues di pension, merece un trato husto, pasobra nan ta sigui contribui na futuro di Aruba."



Awo cu 2 florin mas, bo por gana e **MEGA PLUS**
***Afl. 480.000,-**
***Afl. 360.000,- + Afl. 120.000,- extra**



HUNGA AWO



Benta ta sera 7:30 pm y sorteo ta hunga 7:45 pm

Famia di Sergio Maduro ta reclama den Corte Superior

Jennifer Gonzalez cu a planea pa mata Sergio awor ta pretende di ta handicapped

ORANJESTAD (AAN): Famia di e victima di asesinato, Sergio Maduro, a expresa nan mes den Corte Superior, durante tratamento di e apelacion di Jennifer Gonzalez. E famia ta haya cu tur e cos di handicapped, ta un comedia cu Jennifer ta haci pa haya su libertad.

Famia a manda carta pa hof: E famia no tabata presente den sala di Corte, pero e tata di Sergio Maduro, a traha un carta den nomber di famia y a manda esaki pa Hof di Corte Superior.

Manera ta conoci, a haci cambio den ley penal caminda awor ta

duna famia di victima e oportunidad di expresa nan mes den Corte. E famia por bisa kico tur a experiencia y kico nan ta spera pa cu e castigo.

Acusado ta pretende di tin discapacidad: Hof a mustra cu famia di Sergio a skirbi un carta pa expresa nan mes den e caso. Presidente di Hof a lesa e carta. E famia ta expresa cu perde un famia no ta facil. E ta afecta henter famia especialmente ora ta un morto horroroso.

E ta un asesinato planea sanger frieu. Despues di e incidente, e famia tabatin dos pregunta,



kende a haci e asesinato y pakico. Pa tende cu ta

un homber otro di Jennifer, pakico Jennifer no a termina e relacion y bay cu e otro homber! No ta Jennifer a traha e plan pa mata Sergio? Pero e forma con a mata y pasa auto riba Sergio, ta pa motibo di Jennifer.

Awor Jennifer kier pretende di ta un handicapped. No ta asina! Ta Jennifer a planea tur cos. E asunto aki di Corte Superior no ta sinti bon. E argumento di handicapped no ta valido. Tur cu conoce Jennifer sa cu e no ta handicapped. El a traha hopi aña na Wendy's. Ora Jennifer a


drenta sala di Corte pa promer biaha, e famia a grita yora y bisa cu nan no ta reconoce Jennifer.

Esey ta mustra cu nan no a spera cu Jennifer ta hunga comedia. Kico lo a pasa Jennifer ora el a worde deteni.

Mientras cu Jennifer ta bringa pa haya su libertad door di pretende cu e tin discapacidad (handicapped), nos no por haya Sergio Maduro mas. Nan ta spera cu Hof lo duna Jennifer e castigo husto.

E potret ta mustra e anochi cu a haya e resto mortal di Sergio riba e caminda di Matividiri.

Melissa hayando forza y lo por pasa Diamars riba Jamaica como Categoria 4



ORANJESTAD (AAN): Tormenta Tropical Melissa ta sigui haya mas forza, pero casi e no ta moviendo di e lugar unda el a keda 'stationa' pa algun dia caba. Su wowo ta djis 'drift' un tiki poco-poco bayendo panort.

National Hurricane Center ta pensa cu sea Diabierna laat of Diasabra e lo por bira Horcan di Categoria 1. E lo sigui bay poco-poco panort, y despues bira bay west. Pa Diamars ora e bay pasa cerca di Jamaica, e lo por ta Categoria 3 y hasta Categoria 4. Diahuebs atardi 5:00 pm, e centro di

Tormenta Tropical Melissa tabata na 15.6° Nort y 75.5° West. Esaki ta exactamente 675 km Noordwest di Faro di California na Aruba. Cu biento maximo sosten di 75 km/h, e ta moviendo direccion Noord-Noordwest cu apenas 4 km/h.

Hurricane Watch ta valido pa Jamaica y tambe costa zuidwest di Haiti.

E no ta forma peligro mas pa Aruba, pero atmosfera ta yen humedad y combina cu e calor, e por genera awacero tin biaha cu por cay duro riba Aruba.


ONDERCURATELESTELLING

Bij beschikking van het Gerecht in Eerste Aanleg van Aruba van 21 oktober 2025, behorende bij AUA202501516EJ, is mevrouw Mireya Andrea ANGELA, geboren op 3 juli 1974 in Aruba, wonende in Aruba, onder curatele gesteld met benoeming van de heer Roberto Rafael Angela tot curator.

De advocaat, mr P.M.E. Mohamed

Weekly SPECIALS

24 OCT - 30 OCT '25



Each
f2.59
Normal Price

Each
f1.79
Special Price

**CORN
YELLOW**



Per KG
f6.59
Normal Price

Per KG
f4.59
Special Price

**CUCUMBER
SELECT**



Per KG
f18.95
Normal Price

Per KG
f14.99
Special Price

**GRAPES RED
SEEDLESS 2LB**



Each
f16.49
Normal Price

Each
f15.39
Special Price

EE WAFFLE HOMESTYLE 24CT



Each
f12.99
Normal Price

Each
f12.39
Special Price

**TROPICANA ORANGE JUICE
NO PULP NFC 46OZ**



Per 100 GR
f2.67
Normal Price

Per 100 GR
f2.44
Special Price

HONEY HAM



Per KG
f33.99
Normal Price

Per KG
f28.99
Special Price

STRIPLOIN BRAZIL RESERVE



Per KG
f26.99
Normal Price

Per KG
f23.99
Special Price

ANGUS GROUND BEEF



Per KG
f17.49
Normal Price

Per KG
f14.49
Special Price

CHICKEN CUTSMALL NASI

*Promocion ta valido desde 24 di oct pa 30 di oct 2025 y tanten cu tin den stock.

**SUPER
Do it Center®**

Otro siman na Biblioteca

'Un Siglo di recuerdo' 1925-2025 y asina recordando Digna Laclé-Herrera

ORANJESTAD (AAN): Diamars 28 di October 2025, di 6:30 pm pa 9:00 pm lo tin un actividad na Biblioteca Nacional Aruba, George Madurostraat 13, Oranjestad cu un encuentro literario- cultural-linguistico cu homenahe dedica na Digna Laclé-Herrera (d.f.m.).

Durante e actividad lo celebra bida y e Centenario, 1925-2025, di Digna Laclé-Herrera.

Digna Laclé-Herrera tabata un persona cu un trayectoria impresionante como maestra y docente di scol, poeta, autor, compositor, politico y hende di tur hende. Ariba tereno social Digna a traha den diferente organisacion di hende muhe y di derecho di mucha.

Digna tabata un persona cu amor grandi pa nos idio-

ma Papiamentu: Encuentro – Homenahe – Recordatorio - Celebracion 'Un Siglo di Recuerdo', dedica na autor Digna Laclé-Herrera, kende a nace na 1925, lo ta un encuentro Literario, Artistico, Cultural, Creativo, Linguistico y Educativo. Un programa integra y varia cu documental, declamacion, charla cortico, musica y canto. Den cooperacion cu Astrid Britten, Biblioteca Nacional Aruba, Departamento di Cultura Aruba y Mirto Laclé lo presenta un programa multidisciplinario integra cu enfoka riba tres genero literario, esta poesia, prosa y drama.

Como invitado special Sergio Tjje-A-Loi lo duna splicacion y lo presenta un fragmento di un documental dedica na Digna Laclé-



Herrera titula 'Despues di bo'. Ta un documental produci pa René Maduro.

Mirto Laclé lo duna un introduccion y recorrido di e herencia, legado di e obra literario di Digna Laclé-Herrera.

Deleite musical ta den

man di Maybelline Arends-Croes cu presentacion di grupo ex-Tutti-Frutti cu cantantenan Hilyanne Croes, Mandy Villasmil y Kiziah Trimon. Cancionnan cu Digna a compone hunto cu Maybelline y mas. E pianista Johnny Schar-

baay y banda lo entretene publico cu nan musica y lo acompaña e cantantenan durante nan presentacion. Laga nos celebra y disfruta di un anochi multidisciplinario. Entrada pa e anochi aki ta completamente gratis.

Ebonnye Rodriguez a gradua di Universidad di Aruba



ORANJESTAD (AAN): Tabata riba Diamars 21 di October, 2025, a gradua na e Facultad di Ley na Universidad di Aruba, Ebonnye L. Rodriguez. El a gradua defendiendo su tesis titula: "Artikel 12A van het Statuut voor het Koninkrijk der Nederlanden. Een lex imperfecta met rechtsstatelijke gevolgen."


Durante cu el a defende su tesis, e miembronan di e comision di examen tabata consisti di Srs. mr. Brechtje Huisjes, Sra. mr. Hannah Meijer, representando mr. dr. Benedicta Deogratias, y Sr. mr. Juan E. Thijsen.

Universidad di Aruba ta felicita Ebonnye L. Rodriguez cu su logro.



Ex-alumno di Dominicus College y Colegio Arubano

Estudiante di Aruba contribuyendo den ciencia farmaceutico pa futuro pildonan 3D



ORANJESTAD (AAN): Riba e potret aki por mira Javier Estefanus Maduro, Ing. Biologie en Medisch Laboratorium Onderzoek y MSc Farmacie. Por mire banda di e machine cu ta creando pildonan 3D. Javier a core stage na diferente laboratorio, botica na Hulanda y

Hospitaal na Aruba y tambe na Hulanda. Un di e stage nan aki tabata na Erasmus Medisch centrum. Akinan el a cay bao di guia di

Sejad Ayyoubi, un PhD kandidaat, kende ta haciendo su investigacion den e tema di traha pildonan di hydrocortison den e forma di 3D printing cu e meta pa por print tabletan na diferente dosis cu no tin riba e mercado actual.

Durante e periode di stage, el a haci un bon papel cu el a worde ofreci un side-job pa yuda riba e proyecto y yuda guia e siguiente stagiarenan cu lo sigui riba e proyecto.

Ora el a termina cu su Master of science (MSc) di Farmacie, el a worde ofreci un contract pa sigui traha na Erasmus MC y sigui cu e desaroyo di e pildonan. Akinan e tabatin e funcion di desaroya e 'inkt' y uza e 'inkt' aki pa por print e tablet y tambe analisa e tabletan pa wak si nan ta conforme cu e reglanan stipula door di e Farmakopea Europeo (esaki ta un obra di referencia legal y cientifico cu ta pone e normanan y calidad pa e remedenan y nan ingredientenan na Europa). E tareanan aki e mester a haci hunto y pa e candidatonan di PhD cu tambe ta forma parti den e 3D team. Banda

di e tareanan aki, el a sigui guia e stagiarenan nobo cu tambe a bin haci nan stage eynan. Despues di un periodo cu a cuminsa cu su stage na september 2023, na april 2025 a yega ora pa despedida di Erasmus MC y actualmente Javier ta bezig cu su siguiente aventura den e forma di un boticario na Botica Benu Jan Heijns na Tilburg. Eynan e ta bay haci e trayecto di specialisacion pa bira un Openbaar Apotheker. Maske cu el a laga Erasmus MC atras, pa su trabao den e desaroyo di e pildonan, el a worde inclui den e lista di autor di e articulo di meneer Sejad Ayyoubi.

E articulo aki ta bay worde publica den e European Journal of Pharmaceutical Sciences y por worde lesa via e website:

www.bit.ly/3dpildo

Palabra di pabien na Javier Maduro y tambe su famia cu e fenomenal logro aki. Esaki sigur ta haci tur Arubiano orguyoso di e yiu di tera aki y cu su logronan na Hulanda. Riba e potret por mire para banda di e machine trahando pildonan 3D.



MAS ORA DEDICADA NA SIRBI BO MIHO

Nos ta hopi contento di por ofrece nos clientela mas acceso na asistencia bancario.

Diasabra awo nos lo habri nos SANTA CRUZ BRANCH pa asina sirbi bo miho.

SANTA CRUZ BRANCH

Diasabra 25 di october, 2025 | 9:00 AM te cu 1:00 PM

Exclusivamente pa servicionan di prestamo y mantencion di cuenta, tarheta, PIN, cambia adres etc.

Sea ta pa conseho financiero personal of pa haci un pregunta, nos expertonan lo t'ey pa atende'bo.

No lo tin servicionan di cahero.

Ban topa pa nos combersa.

Si acaso bo kier haci un cita, por fabor tuma contacto cu nos.

Exitoso Politiëk Cafe organiza pa Gabinete di Aruba



ORANJESTAD (AAN): Na Paleiskerk na Den Haag a tuma lugar un "Politiëk Cafe" den cuadro di e eleccion pa Tweede Kamer otro siman na Hulanda, organiza pa Gabinete di Minister Plenipotenenciario di Aruba. Un total di cinco partido politico a participa na e evento aki. Ta trata di CDA, GroenLinks/PvdA, D66, VVD y Christen Unie.

Pa CDA a participa Karsten Klein, number 23 riba lista di CDA. GroenLinks/PvdA a keda representa pa Raoul White cu ta number 30 riba lista di su partido. Anouschka Biekman a participa den number di D66 y e ta ocupa number 16 riba lista di D66. E partido VVD tabata presente na e evento den persona di Eric van der Burg, num-

ber 5 riba lista di VVD. Por ultimo pa Christen Unie a participa e candidato number 24 riba nan lista cu ta Henco Cecilia.

Despues cu e moderador di e Politiëk Cafe Sidney Kock a yama tur presente bon bini, director di Gabinete di Aruba Joselin Croes LL.M., M.Sc a tene un discurso den cual el a subraya e importancia di votacion como un momento importante den nos democracia. Y cu esaki tambe ta importante pa e Arubianonan bibando, trahando of studiando na Hulanda.

'Bo voto ta determina e rumbo pa Hulanda pa e siguiente cuater aña. Esaki ta importante pa tur hende cu ta biba na Hulanda, tambe pa e comunidad Arubiano. Nan

tambe tin derecho di voto. Pa e motibo ey Gabinete di Aruba a organiza e Politiëk Cafe aki pa brinda nos hendenan e posibilidad pa bin scucha e partidonan politico y nan plannan pa Hulanda y Reino Hulandes.

Mi ta spera cu e anochi aki duna boso mas claridad ariba e puntonan di bista di e partidonan politico y asuntonan cu ta hopi actual,' tabata palabranan di Joselin Croes cu a caba su discurso cu un apelacion pa tur hende pa bay voto otro siman.

E programa a sigui unda e participantenan por a duna nan punto di bista di nan partido, plannan y solucion riba cuater tema cu tabata vivienda, nivel di bida (bestaanrecht), migracion di estudio



y Relacionnan di Reino.

Despues tabata tin oportunidad pa pregunta y hopi persona, entre nan estudiante-nan Arubiano a haci uso di e oportunidad aki pa lansa nan preguntanan na e politico-

nan.

Gabinete di Aruba por mira atras riba un evento sumamente exitoso. Un grabacion di henter e evento ta bisto riba e pagina di Facebook di Gabinete di Aruba.

ARUBA
Beach Club Resort
since 1977

Are you a highly motivated professional with sound accounting background. We have a vacancy for a full-time:

Senior Accountant

Job Overview:

The senior accountant is key member of the finance team responsible for account reconciliations, month end general ledger close and bank reconciliations. Senior accountant will also assist in financial reporting, audit preparations, inventory management and oversee the accounts payable and receivables.

Requirements:

- 5 to 10 yrs experience as Senior Accountant
- Analytical approach to problem solving with high regard for accuracy
- Strong organizational and stress management skills
- Able to work effectively under pressure of management deadlines
- Self-starter, detail-oriented and a team player
- Ability to multitask
- Dutch Nationality or a valid work permit
- 4 yrs relevant experience the accounting software Sage
- Essential skills:
Proficiency in Microsoft Office, Strong Excel Skills
- Excellent communication skills, both verbal and in writing of: English, Dutch, Papiamentu and Spanish
- Age: between 28 and 45 years

We offer:

A full-time job with a competitive salary, secondary benefits and a pleasant working environment.

If you are interested, please submit your application together with your résumé to email address hrmanager@arubabeachclub.net or personally at our Human Resources office located at J.E. Irausquin Blvd. 53, Monday to Friday, from 9:00 am to 3:00 pm. For more information, call us at 524-3017.

Francis Saladin di Comerciantenan Uni cu mensahe pa politiconan:

Stop di instiga pueblo contra e comerciantenan

ORANJESTAD (AAN): E Vice-presidente di Comerciantenan Uni Aruba (CUA), señor Francis Saladin, a señalá den entrevista cu DIARIO (tocante prijs halto di productonan na Aruba) cu e competencia entre comerciantenan t'asina fuerte cu si abo como comerciante no baha prijs, ta bon pasobra esey ta bo escogencia, pero si e otro ta baha prijs ora abo ta keda sin vende.

El a pone como ehemplo ora cu prijs di webo a subi drasticamente na Merca y otro paisnan (incluyendo Aruba) cu manera un a cuminsa baha prijs otronan mester a haci tambe.

“Awo nos ta comunica cu otro via Social Media, anto, e redo di prijs unda e ta mas



barata of no, ta core masha lihe mes. No ta manera antes cu bo no tabata sa, awendia e informacion ey ta obtenibel al instante. Nos a baha prijs di awa, nos por baha prijs di coriente, grondbelasting a wordo subi, nos por papia di

yen di cos na unda cu gobierno ta subi prijs; gobierno si ta subi prijs, pasobra eseynan no ta algo cu nos ta importa. Awa nos ta produci akinan.


Grondbelasting no ta algo cu ta wordo importa, pero nos ta subi'e. Anto, pakico no alivia

pueblo cu e parti di cuminda? Stop di tilda y pone pueblo contra comerciantenan pa bo voto; presenta bo idea como

politiconan drechi, gana bo votonan drechi, stop di instiga pueblo contra e comerciantenan.

Control Policial a sigui den area di Oranjestad

**Agentenan a reparti un total di 110 boet*



ORANJESTAD (AAN): Liliana Rasmijn, vocero di Cuerpo Policial, a indica cu Diamars den oranan di atardi y anochi agentenan policial di Distrito di Oranjestad a tene un control di trafico hunto cu DTP na diferente puntonan strategico.

El a splica cu a controla un total di 297 vehiculo tanto auto y brommer. Esaki tabata un control policial tanto preventivo y represivo.

E agentenan a reparti un total di 110 boet pa entre otro: maneha auto sin belasting valido, sin seguro valido, sin keuringskaart valido, sin safety-belt y diferente otro infraccion. Rasmijn a enfatisa cu e controlnan policial NO lo stop. E lo sigui na diferente sitio strategico, diferente orario di dia y na diferente distrito. KPA ta manda un mensahe cla na tur automobilistanan: “Nos tey na e momento cu menos bo ta pensa y wak. Preveni un multa halto cu e sistema di ‘Paga bo boet’ cu e momento ey bo ta haya e multa den bo man y den un termino cortico pa paga. Sea conciente maneha responsabel cu tur bo papelnan na ordo.”

THE CASINO AT
ST REGIS
ARUBA



Boo Bingo

Saturday October 25th and Sunday October 26th, 2025 at 8:30 AM.

\$5,000 in total prizes

Buy-in: \$20. Buy 2 bingo cards, get the 3rd free.
2x your points on Boo Bingo.

Progressive Jackpot starting at \$25,000

Prices for best costume:

Weekend Stay | \$250 slot credit | Dinner for two at Eskama Cucina Italiana

Limited capacity available.

Rules and Regulation apply. Visit the Casino VIP Desk for more information.

Must be over the age of 18 years. The Casino at St. Regis Aruba encourages Responsible Gaming.

Historia y amistad grandi pa cu famia Wernet-Paskel ta conoce un etapa mas na su reconocimiento.

Laura Wernet-Paskel honra na Hulanda y pronto na Aruba tambe cu un caya na su nomber



ORANJESTAD (AAN): Diaranson mainta, Prome Minister Mike Eman a ricibi un bishita ameno di varios miembro di famia di Laura Wernet-Paskel, particularmente Andre "Dechi" Wernet cual ta un persona cu tin un trayectoria largo y reconocida na Aruba.

Premier Eman a remarca cu Dechi ta un persona cu hopi aña di experiencia, cu a carga diferente posicion, como tambe hopi conocimiento riba tereno di personal di gobierno y a yuda masha hopi hende mes cu nan peticionnan, y nan posicion huridico durante tempo.

Andre "Dechi" Wernet ta yiu di un personalidad hopi grandi den historia di Aruba. Laura Wernet-Paskel tabata e prome ser femenino riba un lista politico (Partido UNA), como tambe maestra di scol y escritor, cu a laga un historia bunita atras, entre otro buki titula 'Ons eilandje Aruba', cual awe Prome Minister por a haya un ehemplar original for di man di un di su yiunan.

Den compania di consehero/secretario general Robert Candelaria, cu tambe ta miembro di famia Wernet-Paskel, cu hopi sentimento por a cana den caya, cu mas bien ta un hof na Hulanda dedica na honor di Laura Wernet-Paskel.

Un sentimento grandi di orguyo, un Rubiano reconoci na Hulanda cu nombracion di un hof na su nomber. Famia di su banda kier a gradici Prome Minister cu e bishita y mencion na Hulanda, pero



Premier Eman a comparti esaki cual p'e tabata mas bien un honor y compromiso di su parti pa haci esaki. Eman a expresa na famia cu pa ta eynan y mira su reconocimiento tabata emocionante. Na Aruba tin un scol y ta spera di mira pronto un caya na su nomber na Aruba. Ademas a comparti awe den compania di algun miembro di famia, cu algun historia cual sigur ta algo cu ta balora grandemente.

Prome Minister Eman tin vinculo di hopi aña cu famia Paskel y tabata entre otro bisiña di hopi aña di Chichi Paskel, cu ta directamente subrina di Laura Wernet-Paskel, cual ta masha stima

y cual yiunan a lanta cu nan. Mundo ta dal buelta y awe ta para banda di nan den reconocimiento.

Di nan banda e famia kier a muestra nan gratitud na Prome Minister Mike Eman pa haci e bishita na Hulanda y bishita e hof cu ta na honor di nan ser ker. Andre "Dechi" Wernet a indica cu Premier Eman ta e prome politico cu a rindi honor y efectua un bishita na e caya/hof Laura Wernet-Paskel.

Pa famia Wernet-Paskel sigur ta un honor di mira cu den ocho personalidad cu a yega di haya un caya na su nomber na Hulanda, un di nan, e unico Rubiano ta Laura Wernet-Paskel.



Un peticion pa un Caya pronto e peticion aki keda Laura Wernet-Paskel ta e honra y bira realidad aki na deseo di famia y ta spera cu Aruba tambe.

Mas di 13% di especienan di pahra na mundo ta bao amenaza di extincion

**E mayor riesgo ta na America Latina y Caribe*



ORANJESTAD (AAN): Mas di 13% di e especienan di pahra cu ta existi na mundo, ta haya nan mes bao amenaza di extincion, y e region unda e riesgo ta mustra mas claramente, ta America Latina y Caribe, segun un reportaje di BBC Mundo, cu por a mira via un canal di television di Colombia.

Esaki ta un programa educativo cu e canal ta transmiti como documental riba Diadomingo, tocante diferente tema di interes mundial.

E cantidad di especienan na peliger ta mas di 2.000 na nivel global, segun e buki di e Organizacion Birdlife Internacional pa Union Internacional pa Conservacion di Naturaleza.

BBC Mundo ta lanza un alerta pasobra na America Latina y Caribe, tin tres especie reconoci cu ta drenta directamente na un nivel mayor di amenaza, peliger critico, y cuater cu a ingresa den e categoria di riesgo di extincion. America Latina y Caribe ta señala como e Focus di Extincion Global unda cada bez tin mas especie amenaza en comparacion cu resto di mundo. Esaki ta encera un gran peligro, pasobra no solamente afecta e biodiversidad, sino e funcion cu nan ta cumpli den e ekilibrio di e ecosistemanan, locual amenaza la produccion di fruta, berdura, etc., y por consiguiente e salud di e ser humano.

SKOA a celebra su Siman di Educacion 2025

Directora Anuesca Baly satisfecho cu e siman aki di inspiracion, innovacion y bienestar pa educacion



ORANJESTAD (AAN) Di Dialuna 18 te Diahuebs 24 di October, SKOA a celebra su Siman di Educacion 2025, den cual manera semper, a trece inspiracion, innovacion y bienestar pa educacion.

Señora Anuesca Baly, Directora di SKOA, den entrevista cu Matutino DIARIO, a elabora tocante e siman aki.

Esaki ta encera e aspecto di profesionalizacion di e mae-



stronan. E siman aki a habri Dialuna cu a pasa, cu un kick up, den cual tabata tin diferente invitado cu tabata presente, cabezante y docente nan di scolnan di SKOA, cu por a goza den e sentido di intercambia idea cu otro, pero tambe tabata tin dos discusion den panel, un di nan bao guia di Telefon pa Hubentud, unda nan a papia di ‘telefon den klas, si of no’ of ‘telefon



na scol, si of no’.

Asina nos a habri’e y full e siman, e docentenan cu a participa den Erasmus Plus, ta dunando bek na comunidad, den e caso aki no solamente e comunidad docente di SKOA, pero e comunidad di tur otro school bestuur cu a desea pa ta presente den e tayernan di trabao, nan por a inscribi di adelanta y nan a haya diferente tema”, señora Baly a relata.

El a menciona cu nan a haya temanan manera: Lesa-

mento den Klas, Music den Klas, Rekenen, entre otro nan, DVG a colabora cu control di wowo, sucu, presion, unda tambe e bus di salud tabata presente.

“Un siman basta druk pa nos pero cu sigur ta duna hopi satisfaccion, pasobra atrobe nos ta ocupa formando nos docentenan, pa ta miho educadornan den klas pa nos muchanan”, señora Baly a

remarca.

Nan a toca temanan tambe manera con pa anda cu alumnonan cu tin Autismo, of Dislexia, entre otro, pa duna e maestranan un tool pa con pa deal cu esaki. “Pasobra ora bo ta bira docente bo ta diña bo materia pero tin diferente aspecto aworaki cu ta hunga un rol. Ora cu bo tin un Klas lokal, tin diferente tipo di alumno den klas. Tin un bagage, muchanan cu tin problemanan social. Dus tur esakinan ta componentenan cu ta haci pa un docente cu tin mayoria di bez 28 of 30 alumno, den klas e ta bira dificil pa e duna su materia y atende cu tur otro tipo di situacion cu ta presenta”, señora Baly a señala.

Di con ta companianan Hulandes so ta haya tur cos

MEP kier sa si Minister Geoffrey Wever ta minister di economia di Aruba of di Hulanda

ORANJESTAD (AAN): Un desaroyo alarmante cu a hala atencion di hopi hende ta e hecho cu tur proyecto grandi ultimo tempo, ta bay den man di hulandesnan. Hasta tin hende ta haci e pregunta: Geoffrey Wever ta minister di economia di Aruba of di Hulanda? Pasobra ta parce cu ta progreso pa companianan hulandes so e ta busca, mientras companianan local no ta haya oportunidad, mientras varios ta luchando pa sobrevivi.

Cunukeronan perhudica: Cunukeronan di Aruba ya caba a bati bel di alarma pasobra nan ta worde perhudica caba cu e desaroyo aki.

Na nan opinion, Minister Geoffrey Wever, enbes di duna cunukeronan tereno, a dicidi di pasa tur tereno pa e compania hulandes, haciendo plantamento hopi mas caro. Y aki poco tempo, ningun por sigui planta, pasobra hulandesnan ta tuma over.

Competencia inhusto: Locual mas bien ta pasando, ta e competencia inhusto cu tin cu localnan no por competi cu hulandesnan.

Ta permiti companianan



grandi establece nan mes na Aruba, cu ta competencia directo pa tiendanan grandi manera “Do It Center” y “Price Mart”. E pregunta ta: cu ki intencion?

Sin Rijkswet: Esaki ta awor caba, SIN rijkswet. Djis imaginabo cuanto poder mas lo bay pa e hulandesnan unabes e rijkswet, e ley di reino HOFA, drenta na vigor.

Pasobra e ley di reino aki ta algo cu partido Futuro ta pusha p’e. Partido AVP mes semper tabata contra e ley. Awor ta bira obvio di con partido Futuro kier e Ley aki: pa caba di entrega tur cos na hulandesnan. P’esey pueblo di Aruba mester ta alerta.

Paseo Herencia

MALL-O-WEEN

OCTOBER 25- 31

7 DAYS OF SPOOKY ACTIVITIES

**TRICK OR
TREAT
EVENT**

**QUIZ
NIGHT**

**SPOOKY
BAR
CRAWL**

**HAUNTED
HOUSE**

**PHOTO
SCAVENGER
HUNT**

AND MORE SPOOKY FUN

Follow us for event dates, details and schedule

Kinsasha van der Blik di Partido RAIZ

Soberania alimenticio ta e berdadero siguridad

ORANJESTAD (AAN): Den un boletin anterior a ilustra con e AIP ta forma un amenaza pa nos soberania alimenticio.

Segun Kinsasha van der Blik di Partido RAIZ, soberania alimenticio no ta solamente pa percura cu tin suficiente cuminda na tur mesa; soberania alimenticio ta nos lucha pa control y auto-determinacion. E ta e derecho di nos comunidad pa defini nos systema di alimento, pa scohe kico pa cultivar, con pa cultiva esaki y pa ken. Na Aruba nos ta importa mas di 80% di nos cuminda y nos ta enfrentando un aumento di costo den e cadena di suministro y distribucion global di cuminda. Soberania alimenticio kiermen pa duna prioridad na seedbanks local, conosemento tradicional, ingenio local y acceso husto na tereno fertil y adecuado pa cultiva. Soberania alimenticio kiermen pa crea resiliencia contra shocknan climatico, instabilidad di economia global y cudishi di corporacionnan grandi y no pa cambia un dependencia pa e otro.

Sin soberania alimenticio hamas por existi seguridad alimenticio! Nos retonan pa crea un systema di alimento fuerte, sigur, stabil y soberano ta hopi mas amplio cu solamente por yena nos tayanon na mesa. Soberania berdadero ta crea un sector primario lidera pa nos comunidad di cultivadornan local kendenan ta e curason di nos Pais, cu ta honra nos paisahe y ecosystemanan y nos lasonan cultural cu nos Tera. Agri- Innovation park lo haci tur lo contrario, favoreciendo innovacion y conosemento importa ariba di herencia di conosemento y ingenio local.

Nos caminda pa Soberania real: Pa logra nos meta pa soberania alimenticio Aruba no tin mester di greenhouses y metodo di cultiva importa, pero nos tin mester di personanan empodera!

Pa un futuro berdaderamente resiliente ta importante pa nos sa cual practi-



canan agricola en berdad ta aporta na nos soberania alimenticio.

Esakinan nos ta yama metodonan agroecologico, cu ta metodonan cu ta cultiva hunto cu Naturalesa enbes di bringa Naturalesa, esaki ta inclui entre otro permacultura y agroforesteria. Tambe cultivacion segun conose-

mento tradicional di rotacion y diversificacion di cultivo, 'intercropping' y incorporacion di bestia den espacionan di cultivo, cultivacion organico, sin pesticida y/of fertilizante artificial, e practica di creacion di banconan di simia y coleccion y conservacion di awa. Metodonan agroecologico no ta depende

di ningun factor externo pa produci optimalmente, nan ta depende solamente ariba recursonan natural cu nos tin na abundancia.

Cultiva segun metodonan agroecologico ta mehora salud di nos Tera y ta crea systemanan resistente na plaga, creando un systema di alimento mas fuerte y resiliente. Un Tera saludabel cu un ecosystema fuerte di microorganismo y insectonan beneficoso ta crucial pa sostenibilidad y productividad agricola optimal. Tambe door di promove diversidad biologico y ecosystemanan fuerte y saludabel nos ta mas resiliente na precionnan y impacto climatico.

Den e momentonan aki ta sumamente importante pa sostene nos cultivadornan local cu innovacion y tecnologia

pa optimalisa nan operacionnan actual enbes di traha un hub masivo ful nobo.

Ta importante pa crea hubnan comunitario unda nos cultivadornan local ta haya e sosten necesario pa experimenta cu cultivonan cu ta en linea cu nos tradicionnan, region y cultura. Pa sostene nos cunukeronan cu tin e conosemento con pa traha cu e Tera pa produci alimento sin ningun dependencia di input externo. Mester por segura un maneho sostenibel pa otorgamento y renobacion di huurgrondnan adecua pa cultiva.

Awo mas cu nunca ta importante pa proteha nos Soberania Alimenticio y esaki nos por haci door di proteha, sostene y stimula nos agricultor local cu tin e conosemento y experticio pa cultiva y cosecha cu nos Tera.

E abogado mr. Canwood a entrega apelacion contra decision di Hof

Corte di Casacion na Hulanda ta bay dicidi si acaso apelacion di Besaril ta laat of no

ORANJESTAD (AAN): Seis Hues di Corte Supremo na Hulanda lo bay atende cu e apelacion di Guilfred Besaril. Dialuna Hof di Corte Superior a dicidi cu e apelacion di Guilfred Besaril contra su sentencia no ta admisible y a bisa abogado mr. Canwood cu por apela. Den combersacion cu e abogado, el a duna di conoce cu el a apela y awor ta Corte di Casacion na Hulanda lo bay atende e caso y dicidi si e apelacion ta admisible of no.

Besaril, a apela contra su sentencia di 13 Juni 2025 caminda Hues a condena Besaril na 20 luna di prison di cual 10 luna ta condicional cu 3 aña di prueba. Den e caso di kita propiedad, Hues a condena Besaril cu e mester paga 138.688 florin y si no paga e lo mester bay 1 aña den prison.

Discusion riba admisible of no: Dialuna 20 October 2025, tabatin discusion entre Procurador General (PG) y abogado mr. Canwood riba si e apelacion ta admisibel. PG a remarca cu e apelacion no ta admisible. PG a bisa cu dia 13 Juni 2025, Hues ta haya Besaril culpabel y e mesun dia PG a apela e sentencia mientras cu dia 27 Juni 2025 abogado a apela.

Na opinion di PG, ley ta bisa cu dentro di 14 dia mester entrega apelacion na Griffie di Corte. E ta haya cu e mail ta laat haci pasobra e email a wordo manda despues di oranan di trabao di Griffie. PG ta haya cu Hof mester declara e apelacion no admisibel.

mr. Canwood a bisa Hof cu contrario cu PG, e apelacion ta haci na tempo. El a mostra cu segun ley, via email por haci esaki. E abogado a bisa cu ningun caminda ta para cu esaki mester sosode promer cu cierto ora. E abogado a mostra cu pa añas e mandamento di mail pa Griffie ta sosode caminda Griffie ta notifica e fecha cu a ricibi esaki y no e ora.

Apela na Corte di Casacion: Hof ta haya cu e apela-




cion ta no admisibel. Na opinion di Hof, no a cumpli cu e termino stipula pa ley pasobra 4:00 pm Griffie ta sera. Hof a bisa mr. Canwood cu por apela contra e decision.

Por a compronde cu tin un bruhamiento den e asunto aki. Combersando cu varios abogado, nan ta di opinion cu enberdad no tin ningun caminda para cu e email mester dreठा promer cu 4:00 pm. A contrario, e ley ta stipula cu e apelacion mester ta manda via email promer cu 11:55'or di anochi, sino e ta wordo considera laat.

mr. Canwood a apela e decision di Hof y awor ta 6 Hues na Hulanda cu ta forma Corte Supremo lo bay atende cu esaki y dicidi si e apelacion ta admisible of no.

Hospital a ricibi bishita fructifero di Comision Fiho di Salud di Parlamento



ORANJESTAD (AAN): Recientemente e Comision Fiho di Salud di Parlamento di Aruba tabata di bishita na Horacio Oduber Hospital (HOH). Durante e bishita, e parlamentarionan a ricibi un actualisacion detaya tocante e desaroyonan reciente na Hospital y e futuro di HOH. E comunidad di Aruba y tambe pashenten di nos islanan BES por nota e gran crecemento den e cantidad di servicicionan adicional cu ta ofrece y alabes e calidad di servicio cu a sigui eleva durante e ultimo añanan.

Jacco Vroegop, Presidente di Hunta di Directiva di HOH a comparti cu e comision unda HOH ta na e momentonan aki, unda kier yega den futuro

salud, manera e situacion di esnan indocumenta cu ta den proceso di legalisacion.

E discusion a inclui e tema importante manera 'vergrijzing' di nos poblacion y e reto pa atrae y retene personal medico y no medico den un contexto financiero desafiante. "Nos a combersa tambe riba e construccion, cu a mira hopi cambio y a conoce hopi desafio tambe," Vroegop a agrega.

Compromiso pa sigui mehora: E Presidente di Hunta di Directiva a enfatisa su orguyo pa e logronan cu HOH tin te cu awo y a afirma: "Den e proximo siman y lunanan nos lo sigui traha p'un miho hospital ainda," Vroegop a splica.

A destaca proyectonan manera e Hyperbaric Oxygen Therapy (HBOT), locacion nobo den futuro cercano pa Clinica di dialisis, y tambe cu HOH tin un sala di endoscopia nobo cu ta conta cu ekipo nobo. Tambe a conta di e plan pa habri un centro di rehabilitacion cu lo tin efecto positivo riba calidad di bida di pashentnan cu por ehempel



a sufrí di un stroke of a haya nan mes den un accident.

Colaboracion continuo cu Parlamento: Gregory Croeze, miembro di Hunta di Directiva, a expresa cu e reunion tabata hopi interesante. E comision a haci hopi pregunta al caso tocante por ehempel e centro di rehabilitacion y e proyecto di dialisis cu lo cuminsa pronto. Croeze a resalta su

satisfaccion pa e interes cu e parlamentarionan a demonstra y a propone pa sigui tene e tipo di reunionnan aki, pa sigura un intercambio constante di informacion y ideanan entre Parlamento di Aruba y HOH.

Recordo y futuro cooperacion: E Parlamentarionan a ricibi un recordo den hospital pa asina nan por mira mas di cerca kico

hospital ta nifica pa Aruba y tabatin e oportunidad pa haci mas pregunta na e personal di hospital mes.

Por ultimo, Hunta di Directiva di HOH ta desea di gradici e Parlamentarionan pa nan tempo y e interes demostra den HOH y ta spera cu por sigui traha den bon cooperacion pa asina hunto eleva e calidad di cuida na Aruba.

Aruba Bank ta haci donacion di laptops na EPB San Nicolas



ORANJESTAD (AAN): Na Aruba Bank, nos ta kere cu cada estudiante mester tin e oportunidad pa logra su potencial completo.

Pesey mes, Aruba Bank ta orguyoso di por haci un donacion di laptops segunda mano den bon condicion na EPB San Nicolaas, pa asina yuda sigura cu e estudiante cu tin necesidad di un laptop

na scol por haci uzo di esaki den nan estudio.

E donacion aki ta refleha e compromiso constante di Aruba Bank pa sigui duna sosten na educacion y pa nos comunidad. Door di haci donacion e laptops segunda mano nan aki, e banco ta spera di por facilita e reto cu estudiante ta enfrenta ora nan no tin acceso na un aparato

propio, y pa sigura cu cada estudiante tin e oportunidad pa siña, cumpli cu tareanan, y participa completamente den actividadnan riba laptops.

E iniciativa aki ta parti di e compromiso di Aruba Bank pa sigui inverti den educacion y den bienestar di nos studiantenan.



RESULTADO DI SORTEONAN PA CORTESIA DI CADENA ALEXANDER

Diahuebs 23 October 2025

DIARIO	KORSOU	SUPER 4	CATOCHI	ZODIAC		
7570	6618	0188	MERDIA	ANOCHI	M	1517
4748	4531		8777	8678	A	ACUARIO
9522	0045		4916	6171	PISCIS	1605
			9729	5226		

LOTTO DI DIA 07-17-20-28-30 **OFF** 7597-6934 **BIG 4** M **6483** A **2590**

CATOCHI MULTI X MERDIA X2 **BIG 4 MULTI X MERDIA X2**
CATOCHI MULTI X ANOCHI X2 **BIG 4 MULTI X ANOCHI X2**

LUCKY 3 **MERDIA** **074** **MULTIPLIER FP** **ANOCHI** **023** **MULTIPLIER FP** **LUCKY 3**

BUSCA PALABRA

L	B	A	S	G	T	I	A	A	R	R	T
I	A	T	C	A	P	M	O	C	N	V	R
B	T	U	A	E	P	P	S	E	E	N	A
R	E	O	I	V	I	A	R	R	R	O	N
A	R	L	I	I	C	A	T	S	N	R	S
K	I	U	A	A	K	C	U	G	O	N	M
E	A	C	R	C	U	I	A	T	A	I	I
C	O	I	A	P	P	B	A	T	U	L	S
M	T	H	B	V	R	N	T	W	T	O	S
P	A	E	I	I	R	P	L	I	O	S	I
P	I	V	A	E	S	U	E	C	R	A	O
I	I	O	T	L	O	S	A	B	H	G	N
P	E	L	S	T	U	U	R	W	I	E	L
N	A	A	A	O	U	G	V	U	S	U	L

Auto Vehiculo Pickup
 Transmission Alternator Bateria
 Stuurwiel Compact Airbag
 Brake SUV Gasolin

> SUDOKU <

Conceptis Sudoku By Dave Green

	8							
			8		7	9		6
	5	4	9			3		
	7					5	6	
				4				
	9	6						7
		5			1	4	9	
8		2	5		9			
							8	

Difficulty Level ★★★ 6/24


Keda bibo!
Bisti bo Seatbelt

Tur trahador evacua di Laundry local debi na holor fuerte di gas cu a plama

ORANJESTAD (AAN): Tabata den oranan di mainta cu melding a dreanta na Centro di Alarma, cu algo ta pasando na Oranjestad Laundry den Caya Boes Orman, y cu tin algun hende a bira malo.

Mesora a despacha unidadnan di Brandweer como tambe Ambulance pa check kico ta pasando.

E personanan a indica cu



Hari Un Tiki

Un pashent sinta den un Consultorio:

- "Docter, mi kier sa mi ta kedando sordo. Figurabo Docter, cu mi no ta tende ni mi mes tosa".

Docter a pensa y dune un receta:

- "Bebe e pildonan aki".

- "Nan ta pa mi tende mihor?".

- "No, ta pa bo tosa mas fuerte".

Solucion Anterior

5	7	2	9	1	3	4	8	6
8	3	6	2	4	7	9	1	5
9	4	1	8	5	6	2	7	3
3	2	7	1	9	4	5	6	8
6	1	9	7	8	5	3	4	2
4	5	8	6	3	2	7	9	1
2	6	3	4	7	8	1	5	9
7	9	5	3	6	1	8	2	4
1	8	4	5	2	9	6	3	7

Difficulty Level ★★★ 6/23

Rescata boto cu tabata drif pariba di Curaçao



WILLEMSTAD: Diaranson mainta trempan, Wardacosta a haya sa cu un boto local cu matricula 'NC', cu a sali Diamars, y awor Diaranson mainta tin di regresa Curacao pero esey no a socede.

E melding ta cu tin 2 hende abordo, pero e chens ta cu tin 3 hende tambe total.

Wardacosta a laga nan avion Dash8 lanta vuelo, y tambe e Helicopter a cuminsa bula. Unidadnan di patruya tambe a cuminsa busca na costa di Curacao, pa check si por mira algo.

E Helicopter a keda busca, te cu combustibel a caba y mester a regresa. E avion

Dash8 si a sigui busca henter merdia, y hasta ora solo a baha, nan a keda busca tiki mas.

Diahuebs mainta e accion di buskeda a sigui asina cu solo a sali. Algun ora despues, nan a logra localiza e boto aki na parti zuidwest di Curacao, cu 3 persona abordo ta zwaai man tur cu nan por.

Asina e Helicopter y un boto rapido Metal Shark a mobiliza pa e area. E helicopter a yega prome, y a keda warda yegada di e Metal Shark.

Nan a laga tur tres persona bin abordo, y despues a lastra e boto chikito bek pa e pier di Wardacosta na Curacao.



nan a sinti con holo fuerte di gas ta plamando, y esaki a pone nan bira malo, y a core bati alarma.

Debi cu ta indica cu ta holer gas, a recomenda tur hende sali di e lugar pa asina un inspeccion por tuma lugar.

Esaki ta pa evita cu mas trahador por bira malo, y duna chens di busca bon den henter e edificio pa mira si por tin lek na un of mas lugar.

EMERGENCIA NA ARUBA

Diabierna 24 October 2025

DOCTER NA WARD

SAN NICOLAS:
Pa San Nicolas, Docter lo ta na H.A.P. ImSan.
Docter tey for di 6'or di anochi te 10'or di anochi.

ORANJESTAD:
Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

BOTICA NA WARD

PARIBA DI BRUG:
Botica Aloe NV
Pos Chikito 83
Telefon 584-4606

PABAO DI BRUG:
Botica Santa Anna NV
Noord 41-B
Telefon 586-8181
Telefon: 586-4010



Loke Tempo ta Mostra....

•• Tin hopi humedad rond Aruba ainda debi na Tormenta Melissa cu a keda stagna, pero ta sigui haya forza. E humedad combina cu calor di den dia, por yuda genera awacero cu por cay localmente, tin biaha duro.

•• Biento di zuidoost entre 12 y 30 km/h, tin biaha cu rafaga te 39 km/h. Olanan bruto entre 3 y 7 pia.

Seccion Cuido Salud Hubenil ta informa


Cuido ta importante for di infancia te yega adolescencia

ORANJESTAD (AAN): E cuido preventivo cu Seccion Cuido Salud Hubenil ta ofrece ta cuminsa for di infancia y ta sigui te cu adolescencia. Ta importante pa tur mucha crece saludabel y worde proteha den nan desaroyo y bienestar.

P'esey Seccion Cuido Salud Hubenil ta brinda su aporte, cual ta a base di derechonan di mucha, entre otro: derecho riba un bon cuido di salud, derecho riba enseñansa y tambe derecho riba un number y nacionalidad, sin discriminacion y sin exclui ningun mucha.

Saminacion di Salud: Manera tur aña Seccion Cuido Salud Hubenil ta ofrece saminacion di salud na scolnan primario (preparatorio, basico y special) na grupo di mucha segun indicacion di scol, cual tambe lo worde informa ta mayornan. E saminacion ta encenera e parti salud fisico (e.o. peso, largura, motorico, oido, bista, curason, djente etc), e parti salud social emocional (su sentimentonan, experiencianan, amigonan etc) y tambe informacion di mayor of scol lo por yuda pa cu e salud di e mucha.

Si ta necesario Cuido Salud Hubenil lo duna conseho of



referi pa asina e mucha ricibi e sosten of ayudo necesario den acuerdo cu su mayornan. Tur saminacion haci pa seccion Cuido Salud Hubenil ta worde haci pa promove y proteha salud y bienestar di muchanan, pa asina mas y mas mucha crece y desaroya saludabel aki na Aruba.

E docternan di Cuido Salud Hubenil ta mesun dokternan cu ta controla y monitoria e salud y desaroyo di baby/ peuter na Wit Gele Kruis y ta sigui den e periodo escolar. Den e periodo escolar e saminacion ta worde haci door di dokternan y enfermeranan di Cuido Salud Hubenil, cu colaboracion di mayornan, scolnan y unda ta necesario lo involucra otro instancianan di cuido.

Formulario cu pregunta: Den cuadro di e saminacionnan preventivo di salud na scol, Seccion Cuido Salud Hubenil ta pidi mayor pa jena un formulario cu e mucha lo

ricibi na scol y entrega esaki na e docente dentro di dos siman.

Obhecion?

Seccion Cuido Hubenil ta sali for di punto di salida cu tur mayor kier un bon salud y

bienestar pa nan yiu cual ta den cuadro di derecho di mucha. Si mayor/ voogd tin obhecion pa esaki, mester manda esaki den e formulario completamente yena back pa scol dentro di 2 siman. Por favor yena number

completo y fecha di nacemento di e yiu. Den caso cu no entrega e formulario, Seccion Cuido Salud Hubenil ta asumi cu mayor/ voogd ta duna permiso pa e control medico di su yiu na scol.

A regresa di tratamiento obligatorio na Hulanda y ta bolbe cay cera

Complice di intento di asesinato y involvi den morto di Sayuri atrobe deteni pa menaza cu arma

ORANJESTAD (AAN): Despues di a sigui 2 aña di tratamiento obligatorio na un institucion na Hulanda, Zuriel Cellaire ta bolbe Aruba y awor ta sera pa amenaza cu arma. Ta asina cu Cellaire ta den KIA caminda ainda e acusado primordial di fam Principaal ta encarcela relaciona cu e lamentable caso caminda el a tira Sayuri Petronia mata. Den e caso ey Cellaire tambe tabata presente na Flamboy-anstraat 4 riba fecha 4 Juni 2021 ora cu e tiro accidental a los y mata Sayuri.


Intento di asesinato riba 4 persona: Dia 15 Juli 2022, Hues a dicta sentencia den e casonan penal contra Zuriel Cellaire. Hues a bisa cu e ta haya legalmente proba cu dia 22 Mei 2022, Cellaire a participa den un asalto arma riba 2 persona na Brazil, 30 Mei 2021 hunto cu Principaal a tira riba 4 persona banda di American Bar. Hues a considera esaki di ta complice intento asesinato. Cellaire tabata esun cu a tira y Principaal tabata na stuur. Tambe Hues a haya Cellaire culpabel di posesion di arma di candela y bala.

Hues a sigui muestra cu riba

10 Januari 2020, Cellaire a bringa cu e homber d.M. y maltrat'e, 14 Januari 2020, Cellaire a menaza e homber H. cu cuchiu cu lo mat'e. Hues tambe ta haya proba cu riba e anochi di 4 Juni pa 5 Juni 2021, Cellaire tabatin hunto cu Principaal un arma di candela, caminda Sayuri a fayece.

Tratamiento obligatorio: Hues pa cu e castigo a muestra cu Cellaire a tira riba 4 persona y danki Dios ningun a fayece. Hues a tene cuenta cu e raport di psicologo y e raport di psiquiatra, kendenan ta haya cu Cellaire por wordo influencia liher y pesey e no ta completo responsabel pa su actonan. Ambos a conseha Hues pa pone Cellaire den un institucion.

Hues a dicidi cu e ta aplica castigo hubenil y bou guia pa evita cu Cellaire ta bolbe wordo influencia. Hues a sigui e conclusion y conseho di psicologo y psiquiatra y a ordena pa Cellaire haya tratamiento obligatorio na Hulanda, cu ta na bienestar di Cellaire mes. Hues a ordena cu Cellaire lo mester keda 2 aña den un institucion na Hulanda y despues lo mester evalua si



Victima Sayuri

mester prolonga tratamiento of no.

Deteni pa menaza cu arma: Si mira cu e sentencia tabata di Juli 2022, por conclui cu apenas Cellaire a caba e tratamiento obligatorio, el a bolbe Aruba y atrobe ta cay den man di husticia. E siman aki, Cellaire a presenta dilanti Hues Comisario, cu vigilancia estricto di KIA. Su detencion a keda prolonga pendiente investigacion.

Lo bira interesante dia di tratamiento di e caso penal contra Cellaire, pa mira kico ta e pensamiento di Fiscal y Hues.

Columna E Sembrado



Diabierna 24 october. Di bintinuebe siman den tempo ordinario aña 2025 Ciclo C.

Calendario Liturgico

Lectura: Romanonan 7,18-25;
Salmo: 119;
Evangelio: Lucas 12, 54-59;

Mi ta warda bo palabra den mi alma, pa mi no peca contra Bo. (Salmo 119,11)

Rumannan, e versiculo aki ta asina bunita y importante pa warda di berdad den nos curason. Laga nos corda cu e palabra di Señor ta e alimento pa nos curason. Mescos cu nos cuminda diario ta alimenta nos curpa, ta duna nos forza pa sigui move, nos curason y nos alma ta wordo alimenta pa e palabra di nos Dios. E palabra ta puramente pa yena nos cu sabiduria, muestra nos e berdad di bida y guia nos pasonan riba e caminda cu ta hiba na nos salvacion. E palabra ta e liña di enseñansa, e guia y lampi pa nos pia pa nos cana recto y no comete pica. Ora nos ta warda e palabra den nos alma, nos ta acudi na dje cu nos curason y consenshi. Asina nos ta aplica e palabra mas cu nos por pa keda husto den bista di nos Señor. Ban keda alimenta nos mes cu e palabra, ward'e den nos alma pa no comete pica.

Oracion: Nos Tata celestial, nos ta acudi na Bo pa yama Bo danki pa e palabra. Danki pa e alimento pa nos alma. Yuda nos acudi tur dia na e palabra pa asina keda recto y husto den bo bista. Nos ta gradici Bo y pidi Bo esaki den number di bo Yiu Hesus. Amen.

Grupo Centro Pastoral

Casonan Penal pa wordo trata den Corte di Husticia na Aruba

Casonan di Diabierna 24 October 2025



Horario	Sospechoso	Acto Castigabel
8:15 am	G.E.T.	Sospechoso T. ta bay scucha sentencia den su dos casonan.
8:15 am	J.F.O.d.J.	Sospechoso d.J. ta bay scucha sentencia den su caso.
8:30 am	A.K.T. M.A.L. J.A.B. F.St.G.G.	Sospechosonan ta wordo acusa di a viola ley di droga riba 20 di Maart 2025.
11:15 am	J.N.R.V.	Sospechoso V. ta wordo acusa di a viola ley di droga desde 29 di April 2022 te cu 21 di Maart 2025.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diabierna 24 October

2025 den Sala di Corte di Husticia na Aruba. E informacion aki a wordo suministra door di Ministerio Publico.

23 oktober 2025

www.landsloterij.org LANDSLOTERIJ

<u>3de Prijs</u>		UREN VAN CURAÇAO Tel: 462-46
21249	1,000	ARUBA Oranjestad Tel: (00297)
21250	20,000	
21251	1,000	

RONAIRE : Maandag tot en met vrijdag

www.manacore.com

LANDSLOTTERIJ



LANDLOTERI

DEPORTE INTERNACIONAL

Messi a prolonga contrato cu Inter Miami te cu final di temporada di 2028



MIAMI: Lionel Messi no ta bayendo ningun caminda.

E super strea Argentino a firma un prolongacion di contrato pa keda cu Inter Miami te final di temporada di MLS di 2028.

Esaki e club a anuncia Diahuebs. “Ta hacimi hopi contento pa keda akinan y sigui cu e proyecto, cu banda di ta un soño, a bira un realidad bunita”.

Desde cu mi a yega Miami mi ta

hopi felis, pues mi ta hopi contento pa sigui akinan, segun Messi.

E ocho biaha ganador di balon d’Or por a bira agente liber despues di final di e temporada actual di MLS.

Messi y Inter a dicidi di prolonga nan acuerdo y awor e atacante ta bay ta cu e ekipo pa apertura di nan stadion nobo, Miami Freedom Park, cu lo habri na 2026.

Billups y Rozier deteni den caso federal liga na mafia y ‘gambling’



NEW YORK: E temporada di NBA a cuminsa Diamars y despues di nan victoria Diaranson den nan prome wega di temporada, Portland Trail Blazers a perde nan coach Chauncey Billups, kende a wordo deteni Diahuebs mainta trempan.

E coach di Portland a wordo deteni mescos cu mas cu 30 persona mas, incluyendo hungador di Miami Heat Terry Rozier.

E detencionnan ta pa dos caso criminal separa.

Billups ta wordo sospecha di ta envolvi den un conspiracion pa drechamento di weganan di carta na Las Vegas, Miami, Manhattan y the

Hamptons, den cual sumanan hopi grandi di placa tabata core.

E weganan di carta aki tabata sosteni pa famianan criminal di mafia Cosa Nostra.

Di otro banda Rozier ta wordo sospecha di contribui na comete fraude den betmento, door di probecha di informacion confidencial di atleta y ekiponan di NBA.

Cierto bet den deporte ta vulnerable pa atletanan cu ta dispuesto, comete fraude. Segun e investigacion federal Rozier tabata haci esaki.

NBA awor ta cooperando cu autoridadnan den e investigacion.

Fiesta grandi na Deventer despues di victoria sensacional di Go Ahead Eagles riba Aston Villa



DEVENTER: Diahuebs Go Ahead Eagles a causa un sensacion grandi den Europa League, ora cu dilanti di nan propio publico na Deventer nan a gana Aston Villa 2-0.

E aña aki ta prome aña den nan historia cu GO Ahead a participa na Europa League y ya caba nan a gana dos bon wega, despues cu anteriormente e ekipo di Eredivisie a gana Panathinaikos. Cu e resultado aki remarcable-

mente Go Ahead tin 6 punto caba den 3 wega.

Villa recientemente a logra gana Feyenoord, pero Eagles tabata demasiado fuerte Diahuebs.

Villa a bay ariba 1-0 ora cu den di 4 minuut Evann Guessand a anota un gol.

Sinembargo, den di 42 minuut Mathis Suray a empata e wega pa Go Ahead y den di 61 minuut Mats Deijl a anota e gol ganador pa e ekipo Hulandes.

Fiorentina a gana Rapid Wien 3-0



AUSTRIA: Hungando nan wega di Conference League na cas mes Rapid Wien no tabata tin suficiente forza pa logra un bon resultado contra Fiorentina.

E ekipo Italiano a anota trempan den prome mitad y na final nan a gana e wega 3-0.

E prome gol di Fiorentina a wordo anota pa Cher Ndour den di 9 min-

uut y den di 48 minuut Edin Dzeko a anota e 2-0.

Pa segura e triunfo Albert Gudmundsson a anota e tercer gol pa Fiorentina den di 88 minuut.

Den otro weganan den Conference League Legia Warszawa a gana Shakhtar Donetsk 2-1, AZ Alkmaar a gana Slovan Bratislava 1-0 y AEK Athens a gana Aberdeen 6-0.



Noticianan for di Hulanda

Plachi di beton a pasa door di truck grandi riba A12 na Woerden



WOERDEN: Diahuebs atardi dos truck grandi a dal den otro riba A12 na Woerden.

Esey a sosode ora cu un di e trucknan tabata para di caminda despues di confronta problema.

Den e accidente un plachi di beton a bora un di e trucknan.

A tarda basta rato prome cu a logra habri e caminda bek.

Alrededor di 12.10 cos a bay robes net prome cu Nieuwerbrug.

Un truck di Belgica tabata para banda di caminda cu problema, ora cu e otro truck cu tabata tin un plachi di beton ta sali parcialmente pafu tabata pasa.

E chauffeur di e truck ey no a wak e otro truck, door di cual e plachi di beton a bora e truck di Belgica.

E chauffeur di e truck Belga a wordo transporta pa hospital pa ricibi tratamento.

Biaheronan di trein a wordo conseha pa bay cas mas trempan debi na tormenta Benjamin



AMSTERDAM: Diahuebs na Hulanda tabata tin un bon chens cu tormenta Benjamin lo causa problema riba spoor y pesey ProRail a conseha biaheronan di trein pa bay cas mas trempan si ta necesario.

E problemanan lo tabata señala mas tano pa e partinan west y mey mey di e pais.

ProRail a indica na e biahero-

nan pa pone hopi atencion na e pronosticonan di tempo y na e asina yama NS Reisplanner Diahuebs.

Empleadonan di e asina yama seccion di Incidentenbestrijding di ProRail tabata para cla henter dia pa dreña den accion pa atende cu treinnan cu a confronta problema.

Decenas di miyon euro na cocaina haya durante razzia grandi riba cas na Zaandam



ZAANDAM: Durante un razzia grandi polis Diamars anochi a descubri mas cu 700 kilo di cocaina den un cas na Zaandam.

Dos homber a wordo deteni, incluyendo e habitante di e cas. Segun polis ta trata aki di un cantidad remarcable di droga.

E droga tin un balor calcula di caya di 40 miyon euro.

Mas trempan e mesun dia en un tempo cortico un cantidad di caha di carton a wordo treci paden di e cas.

Polis tabata sospecha cu tabata tin droga den e cahanan aki.

Un unidad special di polis yama Dienst Speciale Interventies (DSI), pesey a haci un entrada arma na e cas, pasobra e sospechosonan posiblemente tabata arma.

Grupo ta obliga hobennan pa cortan mes y te hasta comete suicidio

*Homber di 22 aña deteni



HULANDA: Riba 14 di October polis a detene un homber di Hoofddorp di 22 aña, kende lo ta miembro di un grupo online violento.

E lo a uza chantahe via potretnan sunu cu e tabata tin, pa obliga hobennan pa cortan nan mes, skirbiendo su number di usuario online.

Esaki Ministerio Publico a duna di conoce Diahuebs.

Riba gruponan riba Telegram a topa cu potretnan di e asina yama 'cut signs'.

Husticia ta kere cu esakinan a wordo comparti pa e sospechoso. E homber lo ta miembro di Com, cu ta para pa 'community', especificamente e grupo 764, segun OM. Den e gruponan aki videonan extremadamente violento ta wordo comparti

SUPER CARD SUPER DEALS



**COMFORT
CLASS**

**Monday
Thursday**

8.00AWG

**Friday
Sunday**

9.00AWG

IMAX

10.00AWG

11.00AWG

VIP

11.00AWG

12.00AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Un analisis profundo di resultadonan
di #TEAMARU

**Direccion di Deporte ta haci
entrega di relato tecnico di
weganan ASU2025**




ORANJESTAD (AAN): E siman aki, durante reunion general di Direccion di Deporte, Directora Monica Fajardo y e ekipo a haci entrega di e relato final den cuadro di un analisis tecnico profundo di e rendimiento y resultado di atletanan cu a participa na e Weganan Panamericano Junior ASU2025.

E relato final ta conta cu un comparativo di e prome Cali2021 y e di dos edicion ASU2025 di e Weganan Panamericano Junior, un analisis di cada deporte cu a participa y finalmente



un analisis individual di cada atleta y su desaroyo competitivo.

E relato final lo ser comparti cu e diferente federacion cu a participa



na ASU2025. Ta felicita sirbi como un herment Monica y e ekipo di pa por sigi traha pa eleva Direccion di Deporte pa e nivel di nos atletanan y e documento cu sigur lo deporte na Aruba.

Noticia Internacional

Pa prome biaha den casi 500 aña, un monarca Britanico a resa den e Kapel Sistina: encuentro historico di Charles III y Papa Leo XIV

Papa Leo XIV y e Arzobispo di York, Stephen Cottrell, ta presidi e oracion ecumenico dedica na defensa di medio ambiente den e Kapel Sistina na Vaticano, den cual e Rey y Reina di Reino Uni, Charles III y Camilla, ta participa, un evento historico cu ta sosode casi 500 aña despues di e Reforma Anglicano.

Dilanti di e fresconan di Michelangelo y Botticelli, cu e Ultimo Huicio den background, Charles III, y Camilla, tabata sinta na man robes di e altar, banda di Papa Leo XIV y Arzobispo di York, Stephen Cottrell, kende tabata ocupa e parti central.

Papa a dirigi e oracion hunto cu Cottrell, como cu



e hefe di Iglesia Anglicano, Arzobispo di Canterbury Sarah Mullally, lo no tuma su funcion te cu januari y pesey no a participa den e bishita.

Prome cu e ceremonia aki, Leo XIV y e monarcanan Britanico a reuni pa mas o menos 45 minut den e Biblioteca Apostolico. Charles III a presenta Papa cu un potret grandi di plata y un icono di San Eduardo e Confesor, y Papa a rega-

la un version di e mosaico di Cristo Pantocrator for di e Catedral Normando di Cefalù, Sicilia, traha den e tayernan di Vaticano.

E monarca Britanico a yega Vaticano diahuebs pa nan encuentro cu Papa Leo XIV y e oracion ecumenico historico den e Kapel Sistina, den cual un monarca Britanico y un pontifice lo resa hunto durante casi 500 aña.

Forsanan Arma Frances a adverti cu Francia mester prepara pa un posibel enfrentamento militar cu Rusia den e siguiente tres aña



Forsanan Arma Frances mester prepara pa un posibel enfrentamento militar cu Rusia “dentro di tres of cuater aña”, Fabien Mandon, hefe di Estado Mayor General, a adverti durante un sesion di e Comision Parlamentario di Defensa diaranson.

E general a basa e necesidad pa e nivel di alerta aki riba e “esfuerzo di re-armamento” di e pais, cu ta inclui un plan pa gasta 413 biyon di euro (479 biyon di dolar) na defensa entre 2024 y 2030. “E prome obhetivo cu mi a duna e Forsanan Arma

ta pa ta prepara pa un enfrentamento den tres of cuater aña,” Mandon a bisa, sugeriendo cu e confrontacion por tuma un forma “mas violento, aunke” a reconoce cu cierto señalnan di hostilidad ta manifestando nan mes a traves di accionnan hobrido.

Mandon, kende ta encabeza e Forsanan Arma for di 1 di september, a enfatisa: “Rusia ta un pais cu por sigui cu e guerra riba nos continente.” Su evaluacionnan ta alinea cu esnan di servicionan di inteligencia Aleman, cu siman pasa a indica e posibilidad cu

Rusia ta “cla pa drenta den conflicto militar directo cu NATO” prome cu 2029.

Segun e general Frances, Moscu ta mantene e “percepcion di un Europa colectivamente debil”, aunke el a insisti cu e perspectiva aki no mester ta intimidante si e paisnan Europeo mantene nan boluntad pa defende nan mes. Den e cuadro aki, el a sostene cu aumenta e presupuesto militar ta “crucial, pa loke ta trata percepcionnan.”

Den liña cu e strategia aki, e concepto di presupuesto pa Francia pa 2026, e di dos economia mas grandi di Union Europeo y e unico energia nuclear di e bloke, ta stipula aloca 2,2% di GDP na gastonan militar, manera confirma pa Catherine Vautrin, Minister di Defensa.

INTERNACIONAL NOTICIA FOR DI COLOMBIA

NAN A SECUESTRA PAREHA TURISTA MEXICANO

CARTAGENA: Hues Comisario a duna ordo pa encarcela tres miembro di grupo criminal 'Los Corales', kende-



nan ta envolvi direct den e secuestro riba un pareha turista Mexicano riba lama dilanti Cartagena. E secuestradornan a wanta e victimanan abordo di un boto riba lama, exigiendo un pago di 1.8 miyon Pesos Colombiano (como

835 Florin) pa asina nan recupera libertad. E pago a wordo haci via un dataphone portatil, pasobra nan tabata cada rato menaza di benta e turistanan den lama si acaso nan no haya pago. Ora cu e turistanan a yega bek tera, mesora nan a haci denuncia, y Polis Metropolitano a cuminsa investiga y a identifica e secuestradornan, y asina a detene nan tur tres. Alcalde Dumek Turbay Paz tabata feliz cu a logra detene e criminalnan, y a manda mensahe cu na Cartagena no tin espacio pa esnan cu kier intimidar of afecta e turistanan, pasobra e ciudad mester ta un destinacion sigur y respetabel.

ACCIDENT NA EL DORADO A OCASIONA UN MORTO

BOGOTA: Un trahador di groundhandling na Aeropuerto El Dorado na Bogota, esta Marlon Andrey



Cristiano Ortiz di 22 aña, a perde su bida ora di sufrir un accident cu un vehiculo di trapi di Avianca cu su pianan extendi, a pasa dal'e na e terminal di Aeropuerto. Nan a core bay cu ne pa un Centro Medico, y aunke

Docternan a cuminsa traha cu ne, el a fayece poco despues. El a perde su bida na pia di trabao, y awor investigacion ta andando pa haya sa kico a socede. Apenas tres luna pasa despues di a regresa di Polonia, el a haya trabao y cuminsa traha na Aeropuerto como groundhandler pa Avianca. Mesora e Sindicato, "Asociacion Nacional di Trahadornan di Sector Aereo" awor a core exige medidanan urgente di Gobierno y autoridadnan di aviacion civil, pa evita cu tragedianan manera esaki lo ripiti. Nan a menaza cu si situacion no mehora, nan lo por hasta bay den welga rond henter Colombia.

HAYA 2.8 TON DI DROGA DEN BODEGA DI FARC

BOGOTA: Polis Colombiano a confisca 2.8 ton di marihuana cu tabata scondi den un bodega cu ta pertenece na



un grupo disidente di FARC, y a detene tres persona di e grupo criminal. Esey ta loke Ministro di Defensa, Pedro Sanchez Suarez

a confirma. E titular di Husticia a bisa cu esaki a wordo produci danki na un accion di Polis, cu a ser haci na municipio Funza, cu ta situa den departamento di Cundinamarca. Door di confisca e droga aki, nan a evita cu mas di 5.6 miyon dosis di Marihuana lo a plama rond di e pais. Autoridad ta convenci cu e droga ta pertenece na e grupo Estado Mayor Central (EMC), cu ta e principal disidencia di FARC, bao guia di Ivan Mordisco. Durante e accion, nan a confisca tambe dos vehiculo cu tabata wordo uza pa transporta e droga.

Noticia Internacional

Lula da Silva a confirma cu e lo postula pa un di cuater periodo presidencial na Brasil

Presidente di Brasil, Luiz Inacio Lula da Silva, a confirma diahuebs cu e lo postula pa un di cuatro periodo den e eleccionnan di october 2026, durante un declaracion na prensa durante su bishita estatal na Indonesia.

“Mi ta postula mi mes pa un di cuatro periodo na Brasil”, Lula a bisa su homologo indones, Prabowo Subianto, na final di un reunion bilateral na Djakarta, segun un discurso lesa pa e presidente Brasileiro y divulga pa e presidencia di e pais Sur Americano.

Den su declaracion, e lider progresista a señala cu aunke su periodo actual ta termina na fin di 2026, e ta “prepara pa participa den un otro eleccion.”

Lula, kende lo cumpli 80 aña dia 27 di oktober, a señalá cu a pesar di su edad,



e tin e mesun energia cu e tabatin tempo e tabatin 30 aña y a enfatisa cu e decision aki lo fortalece e relacionnan bilateral: “Nos lo mira otro hopi mas biaha, y mi lo haci e relacion entre Indonesia y Brasil mas valioso ainda.”

E anuncio a bin despues cu acuerdonan riba energia, mineria, agricultura, y tecnologia, entre otro, a wordo firma durante un ceremonia na Palacio Presidencial di Indonesia. Lula y Subianto tambe a

bay di acuerdo pa avansa un Acuerdo di Comercio Preferencial Mercosur-Indonesia prome cu December.

Despues di su bishita oficial na Indonesia, e mandatario Brasileiro lo viaha pa Malaysia, unda e lo participa den e cumbre di lidernan di e Asociacion di Nacionnan di Sureste Asiatico (ASEAN), unda ta spera un posibel encuentro cu e presidente di Merca, Donald Trump.

Polis di London a detene tres sospechoso di a colabora cu servicionan di inteligencia Ruso



Tres homber a wordo aresta diahuebs na London riba sospecho di a colabora cu servicionan di inteligencia Ruso, segun e division contra terrorismo di Polis Metropolitano (Met). E detenidonan, di edad 48, 45 y 44, a wordo aresta na casnan den west y centro di e capital Britanico como parti di un investigacion riba supuesto violacionnan di Seccion 3 di e Ley di Seguridad Nacional 2023. E nacionalidadnan di esnan aresta no a wordo divulga.

Segun un comunicado oficial di Met, e tres homber-

nan ta keda den detencion na un warda di polis di London, mientras cu ta haciendo buskeda na nan residencianan y un otro adres. E operacion ta parti di un esfuerso policial pa frena e reclutamento di individuonan pa servicionan di inteligencia di exterior. Dominic Murphy, hefe di e forza contra-terrorismo di London, a adverti di “un cantidad creciente di hende cu nos lo describi como ‘proxy’ cu ta wordo recluta pa servicio di inteligencia di exterior.” Presion riba Reino Uni di menasanan externo ta

aumentando. Ken McCallum, hefe di e agencia di inteligencia MI5, a adverti siman pasa cu Rusia, China y Iran “a conduci na un aumento drastico di menasanan di estadonan stranhero,” señalando cu su agentenan “rutinariamente ta descubri complotnan di vigilancia, sabotaje, candela of violencia fisico den e pais,” BBC News a informa.

E contexto aki ta despues cu e gobierno Britanico a impone su sancionnan di mas grandi contra spionnan Ruso na juli. Segun informacion di Oficina di Relacionnan Exterior reporta pa e Daily Mail, e medida a afecta 18 agente y tres unidad di inteligencia militar (GRU), identifica como responsabel pa operacionnan dirigi na crea inestabilidad na Europa bao ordo di presidente Vladimir Putin.

INTERNACIONAL NOTICIA FOR DI VENEZUELA

AVION PRIVA A CAY NA SAN CRISTOBAL

SAN CRISTOBAL: Un avion priva Piper Cheyenne di dos motor cu tabata subiendo na Aeropuerto Paramillo na



San Cristobal na estado Tachira, ni 50 pia den halto a perde forza na banda robez, y a dal un buelta y cay na banda di e pista, y explota den un bola di candela. Tabatin

un persona grabando y a capta tur esaki, y e video a plama rond mundo pa mira con e dos personanan den a avion cu matricula YV1443 a perde nan bida. Aviacion Civil di Venezuela a confirma cu dos persona a perde nan bida, y cu personal di Rescate cu a yega basta rapido no por a salba nan na tempo, como cu e avion a kima completamente. E investigacion a cuminsa pa determina si acaso e motor banda robez a cuminsa faya net despues di a lanta vuelo. Pero kizas e piloto kier a 'show off' cu su amigonan, y pesey por a mire ta apunta su nanishi siendo el a move solamente un distancia menos cu normal riba pista pa obtene airspeed. Pesey kizas e avion a subi danki na 'ground effect', pero unavez el a bay halto, e no por a sostene e vuelo. Riba e potret por mira e avion a caba di dal contra tera y ta explotando.

MUHE CAPTURA CU MAS DI 8 KILO DROGA DEN TAS

MARACAIBO: Unidad di patruyahe di Polis Bolivariana di Zulia, pasando den parokia Idelfonso



Vasquez na Maracaibo, a detene un muhe kende tabatin 16 paki rectangular cu marihuana den nan. Asina nan a detene Yadira Johanna

Gonzalez di 44 aña den bario Etnia Guajira. Tur diesseis paki tabata hinca den un tas preto. E droga a yega na peso exacto cu 8,05 kilo. El a keda deteni pa asina cuminsa cu un investigacion pa haya sa di kende e droga ta, unda el a haye, y unda e tabata hibando esaki.

TIN 24 KG COCAINA SCONDI DEN CUMINDA CACHO

SAN CRISTOBAL: Oficialnan di Fuerza Armada Nacional Bolivariana (FANB) a klogra di confisca 558



sakito di plastico conteniendo cocaina na San Cristobal na estado Tachira, cu un peso di 24,1 kilo. Ta ora cu nan a bay haci un control y inspeccion na e compania di delivery 'Zoom', na sector



Puente Real, nan a bin haya e cargamento di cocaina aki scondi y mezcla den dos saco di cuminda pa cacho. E dos saconan aki tabata wordo destina pa ser entrega na un adres na estado Lara. Awor e droga ta confisca, y Ministerio Publico ta bay purba na detene e persona cu a manda e cargamento, y e persona cu ta supuestamente wardando esaki na estado Lara.

Pensioen y e cantidad di añanan biba na Aruba

ORANJESTAD (AAN): Un lector a trece e siguiente comentario y opinion publico, cu e kier a comparti cu ciudadanonan di Aruba.

E ta haya cu e Pensioen di biehes (di SVb Aruba) mester conta di forma "individual" pa tur persona cu yega e edad stipula y segun e cantidad di añanan biba na Aruba.

Mester caba cu e "discriminacion" cu tin, ora aplica e actual Ley caminda ta paga dos hende casa (pareha) MENOS cu ta paga dos otro hende (no-casa)!

Ora di cobra e (pago di) prima ta cobra tur hende INDIVIDUAL prima igual sin puntra si e persona ta casa of no ta casa.

Pues no ta DISCRIMINAR entre hende casa of hende so (=no casa) ora di cobra prima. Anto pakico ta discrimina si (=trata hende di forma desigual), ora di paga e pensioen di biehes di SVb Aruba mes?

E lector a trece solucion pa esaki:

1. Dicidi pa entrante 1-1-2026 paga pensioen di biehes (di SVb Aruba) na persona INDIVIDUAL cu cumpli e edad rekeri segun Ley y a base di e montante determina pa persona.

2. Ora un pareha (despues di 1 Januari 2026) no tin suficiente entrada (pasobra ta un so a yega e edad) ni tin otro entrada of propiedad, e pareha (manera tur otro hende) por acudi na Sociale Zaken pa pidi ayudo financiero di Gobierno a base di e leynan existente.

3. Tur persona cu prome cu 1 Januari 2026 ta ricibiendo directo of indirecto pensioen di biehes di SVb Aruba lo keda cu nan derecho y lo sigui ricibi loke e/nan tabata ricibi prome cu 1 Januari 2026.

Tur esey lo trece e siguiente resultado:

(A.) Ningun persona

cu ta ricibiendo pensioen di biehes (di SVb Aruba) no ta bay atras den entrada.

(B.) Aplicacion di Ley di pensioen di biehes ta bira super facil (=igual pa tur hende) pa Gobierno (=SVb Aruba) y lo logra economizacion grandi (pues menos gasto) cu ta na bentaha di tur

hende (prima por baha).

Su peticion na Gobierno y SVb Aruba pa laga haci un estudio (y publica e resultado den prensa local) di e propuesta menciona pa por haci e cambio entrante 1 Januari 2026.

Aruba mester di accion, y no di show.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Gradicimento y Invitacion

Pa medio di esaki famia kier a gradici tur esnan cu na un manera of otro a duna sosten, consuelo durante e tempo dificil cu e fayecimento y entierro di nos difunta stima:

Juanita Lampe Trimon
"Mamanita/Oma/Pepe/ Tanta Nita"



Ta gradici, SABA pa tur nan amor y cariño cu nan tawata tin cu nos mama stima.

Tambe na Aurora Funeral Home cu nan super bon servicio. Un danki na Etienne Yarzagaray. Danki tambe na tur yamadanan, bunita mensahe y tur bishita.


**Nos kier a invita familia y amigonan pa
3 Santo Sacrificio di Misa San Francisco di Asis Pro-Cathedral**

Diasabra 25 oktober 5pm
Diadomingo 26 oktober 5pm
Diaranzon 29 oktober 7pm

Danki di curazon



"Hesus a bis'e:
'Ami ta resurekshon i bida;
esun ku kene den Mi,
lo biba asta si e muni."
Huan 11:25



Cu profundo tristesa
Colegio Ora Ubao ta anuncia
fayecimento di:

**SRA. PAULINA TERESA
LACLE-FRANK**

Mama di nos Cabesante,
juffrouw Nanette Vingal-Lacle

Acto di entierro lo tuma luga,
diasabra 25 oktober 2025
di 2-4 pm na misa Santa Anna
na Noord y despues
ta sali pa santana catolico na Noord.

Famia completo di Colegio Ora Ubao
ta desea juffrouw Nanette y su famia
hopi forza den e dianan dificil aki.

**Cu DIOS duna Sra. Paulina
sosiego eterno.**



Cu tristesa Stichting Kids Creation Center ta anuncia
fayecimento di nos Opa stima di scol:

Sr. Juan Croes
mihor conocir como "Ety"

Tata di:

- Juffrouw Noraida Carolina-Croes
- Juffrouw Vanessa Croes

Welo di:

- Dion Carolina (Culinary Team Member)
- Roxanne Carolina (Boluntario)

Suegro di:

- Juni Carolina (Boluntario)

Condolencia y hopi forza den e dianan dificil aki.
Cu tur e momentonan inolvidabel cu boso a comparti
cu Opa keda graba pa semper den boso curason.

Cu Opa sosega na paz cerca Tata Celestial.



Directie, Staf y Personal
di Colegio EPI ta extende nan mas sincero condolencia
cu fayecimento di

Sr. Richard Carolus Vermeulen

***03-02-1940 - † 17-10-2025**

Tata di nos colega sra. Rizah Semerel,
Hoofd di afdeling Open Leercentrum (OLC).

Nos ta expresa nos mas profundo condolencia na Rizah,
y demas famia y ta deseanan hopi forza den e
dianan dificil aki.

Cu sr. Richard sosega na paz den brasa di Señor.

Pa chica Pos - Habri tuberia y wc.
Servicio lihe y confiabel.
 Experiencia ta manda
CICLONE
 Septic Tank Service
Tel: 564-0607 / 734-0607

TA CHAPI
 Corta mata.
 Ta tira sushi afo. Nos
 ta hardineria completo
 na super bon prijs.
 Tel: 569-8003

PROMASTER
 Pa laba tapijt, sofa,
 tur matras.
 99% desinfecta.
Tel: 582-0383 / 593-3538
 Leslie Maduro

WASMACHINE
 Ta drecha wasmachine,
 dryer, stoof, forno.
 Ta drecha, service y instala
 airco. Tel: 742-2518.
 Ta drecha na cas mes.

TA CHAPI
 tira sushi afo y
 transporte.
Cel: 594-5115

CONSTRUCTION
 Remodelacion di cas, traha cas,
 apartment, traha y drecha dak,
 verf, pega mosaico, traha cura y
 plomeria na bon prijs.
 Trabao di graniplas y Sheetrock.
Cel: 560-9470 / 747-5527

SRA TA OFRECE
 Pa drecha paña,
 traha cusinchi, furu pa
 sofa, cortina y tur tipo
 di costura. Ta pasa
 busca y entrega bek.
Tel: 660-7571

ASSOCIATED REALTORS
 TA BENDE
 Un cas di 4 camber y 1.5 baño
 mas un apto na Rooi Kochi,
 construi 208 m²,
 tereno propiedad di 986 m²
 y pa Afl.650.000,-
 Yama Mito na 593-6318

ASSOCIATED REALTORS
 TA BENDE
 Un cas na Willem de Zwijgerstraat/
 San Nicolas di 3 camber y 1 baño,
 construi 152 m², tereno propiedad
 di 540 m², den un area keto y pa
 Afl.440.000,00.
 Yama Mito na 593-6318

CONSTRUCCION REMODELACION
 Nos ta traha y drecha tur sorto
 di dak: shingle, eterniet, panchi,
 zink. Pega bloki, tegels, plafond,
 pleister, pone porta, lanta cura,
 basha vloer, construcccion di cas
 y apto bon prijs. Free quotation.
Tel: 561-2137

DIARIO
 Pa noticia, cumpleaños,
 comentario, redaccion:
noticia@diario.aw
Tel: 582-6747


Ministerio di Relacionnan den Reino ta participa den un investigacion importante pa futuro di Reino

ORANJESTAD LGO y UPG.
 (AAN): Na juni 2024, Tweede Kamer a aproba un mocion di White y Paternotte: Gobierno Hulandes ta traha hunto cu islanan BES y Aruba pa realisa un investigacion profundo riba e statusnan di

Un team di estudio di University of Curaçao ta analisando e bentaha y desbentahanan cu enfoke huridico, economico y gubernamental pa cada isla y pais riba diferente sector di maneho.

Aruba ta representa den e comision di guia pa medio di conseheronan di Ministerio di Relacionnan den Reino. E estudio ta dura te fin di januari 2026. Tin varios rapportnan riba e tema di status UPG

y LGO, pero e metodo den e investigacion aki ta mas claro, mas profundo y alabes mas amplio. Hunto nos ta traha pa un futuro mas informap a e parti Caribeño di Reino Hulandes!



Mi Bida

Awor mi no por scupi...

Skirbi pa: Frank Edwig Burke

Durante mi permanencia den Dr. Horacio Oduber Hospital, mi a experiencia un tratamiento medico di calidad, un cuida sublime y un servicio ameno. Esaki ta loke AZV ta brinda su clientenan y nos aki na Aruba por ta orguyoso di tin nos aseguro medico general pasobra otro caminda no tin mes.

E enfermeranan, profesional y amabel, a pone mi sinti na cas y for di mi 'oficina' patras di e bentana di camber 307, mi tabata tin un panorama amplio ariba tur e infraestructura cu ta rond di HOH. Un desaroyo positivo di nos pais cu tanto turista como local por disfruta di dje. Aruba ta ariba e bon caminda.

Ora cu un ciruhano a sugeri pa laga saca mi galblaas, na prome instante mi tabata negativo, pasobra no ta zomaar mi por distancia mi mes di algo cu mi a nace cu ne. Sin embargo e medico a sigura mi cu mi por biba sin e galblaas y tambe sin e dolor cu lo bolbe na momento cu e infeccion ripiti.

Ey ta caminda cu e decision a cay y mi a informa e nurse cu nan por dal bay cu e operacion. Awe mi ta disfruta plenamente di mi salud y mi bida pero ya mi no scupi mi gal mas ariba hende...

HERO BIEU
 Auto bieu den cura?
 Nos ta pikje pornada.
 Frigidaire, wasmachine,
 dryer, stoof, airco, bateria.
 Yama 561-4297 of
 561-5179. Arubiano balente.

Mercado Reparacion y Servicio
Nos ta drecha
 Wasmachine, Frigidaire,
 Cooler, Dryer, Stoof, Forno.
 Tur tipo di split-unit y window.
ALEX MERCADO! Any time
Cel: 567-0580

Aurora
Royal Pray
 Funeral Home & Crematory

Cumana # 76 & # 44
 van Speyckstraat # 1
 Oranjestad, Aruba
 T.: (297) 588-6699
 E.: info@aurorafuneralaruba.com

Dios ta amor. Dios ta bon. Dios semper ta bon.

Nos ta duna danki na Dios den tur circunstancia, pa cada situacion, pa cada momento, cada les y experiencia. Su boluntad ser hasi na tera como na shelo. Na Su nomber Gloria. Cu hopi amor y gradicimento na nos curason pa su bida di 89 anja yena di amor, cuida, bon consejo y atencion pa su famia y pa su prohimonan, nos ta participa cu su Creador y Angelnan wardador a bin busca nos esposa stima di 72 anja casa, nos mama, nos wela, nos bisawela, nos suegra, nos ruman, nos tanta, amiga y bisña pa hibé den e Reino Celestial na unda tin sosiego, paz y lus eterno:



Sra. Mercedes Petronilia Bergen-Tromp
 Cariñosamente yama: Chedy, Chely, Tia Chede,
 Merce y Mayo

Esposo: Lucas L.F. Bergen

Yiunan: Roberto "Roy" Bergen

Ruthy y Johan Vrieswijk-Bergen

Ronald "Ro" y Mirla Bergen-Boekhoudt

Lucas "Lucky" y Valerie Bergen-Simon

Rumannan: Luisito y Ingrid Tromp-Chehin

Gala y Mario Kelly-Tromp

Margriet Tromp

Esther y Hubert Inocencia-Tromp

Maria "Poppy" y Orlando Chang-Tromp

Veneranda "Veny" Tromp

Elvis Tromp na Hulanda

Rumannan cu a bay nos dilanti: Eddy Tromp

Irena Kelly-Tromp

Leo Tromp

Freddy Tromp

Su mayornan cu a bay nos dilanti:

Nicolas Tromp y Petra Tromp

Famianan: Tromp, Bergen, Boekhoudt, Simon, Chehin, Inocencia, Chang, Díaz, Kelly, Croes, Alejo, Rijna, Bergstra, Hooi, Weller, Engelen, Vrieswijk y demas famia. Raymond y Tanya Davis y yiunan, y Randy Davis y famia na Canada.

Bon amigonan y famia: Mario Croes, Ambrosio "Booshi" Croes y Jerry Díaz, Lando Hooi, Filomena Briceño na Hulanda, Benito Sanchez, Elda Croes-Tromp, Clea Weller-Tromp, Chito Kelly, Amber Bergstra na Hulanda

Nieto y nietanan, bisanieto y bisanietanan na Aruba, Hulanda y na Merca. Subrino y subrinanan, amigo y amiganan y demas conosirnan. Despensa nos si nos a lubida algun miembro di famia. **Tur di Wit Gele Kruis:** Gregory Tromp. **Na cas:** Monica y Blondine. **Su Dokter stima:** Dokter S. Sneek, asistentenan Bea y Liliana. Bon bisinja Jolanda Winklaar y famia.

Oportunidad pa duna condolencia y despedi lo ta diasabra dia 25 di october di 9am -11 am di mainta na Royal Funeral Home.

Despues lo tin cremación den seno familiar.

Ta duel nos pero nos no por ricibi bishita di condolencia na cas.

**NOW WHEN YOU SHOP,
GET CREDIT AT THE CASH PRICE**

**25% OFF YOUR
INTEREST RATE
ON ALL PLANS**

PLUS

FREE DELIVERY
FOR CREDIT CUSTOMERS

LIMITED TIME

VISIT US TODAY.



**BUY NOW
PAY US LATER**



AMC UNICON MEGASTORE
569-2407

AMC UNICON SAN NICOLAS
568-9070

Horario: 9am - 6pm
Dialuna pa Diasabra